

還讀齋詩稿卷十一

出都留別諸親友四首

元和韓

對桂齡著



齋

長女多故人結交卅年久當時往還者記一遺八九艱難
垓桂場緩急固時有使者嶠南來竊祿亦孔厚倥偬旬日
間應接落人後豈無任公子葛衣露兩肘相見澁言詞不
忍待開口解囊納其袖且佐禦冬醜亦有陌路人因緣到
左右勺水亦波及弗嫌菲薄否傾倒已無餘對客顏有忸
我來聊爾爾我去向誰某安得萬里裘遍覆寒餓友

同來三人行形影不離步即舅若弟兄痴絕長康顧內弟顧蘇

園衣有記事珠料理極細故哀我得遨遊了不問家務相
隨且廿年甚得臂指助事有大不然同來不同去云何抱

卷十一

羸疾一飯輒三吐首塗三十里強起屢顛仆那堪登頓勞

且住好調護我家賢魏舒謂李錫此事今相付早報竹平

安慰我心眷注獨與俞夫子起園寂寞向前路

我慕吳季子五字長城如袖詩不肯出頗怪秦太虛吳玉松侍

峴御以五言詩贈行秦小日下論詩者二公謬愛予各以事

牽率杯酒近亦疎幸因故入至韋杜聯枌榆可憐韋杜花

別來一年餘今日霧中看綽約新芙蓉雲翁瞿雲面骨格

如鶴癯為言歸計決準鱸明年鱸殷懃獨情至餞我城西

隄謂吳曇風流羨裙屐聯步凌蓬壺謂顧南雅陶鳧亦復

苦留戀不鄙老醜吾那忍即揮手日暮還登車

登車擢吾鞭前塵鬱蓬勃猶有送行人扣馬迎且揖紛紛

臺省郎戶籍舊東粵東粵海中央鯨鱓肆奔突自公撫吾

邦誓滅此朝食成效雖未收苦心已共白停驂酒三杯厚
意未忍拂此杯容易持委託重符節科條亦云多何嘗辦
一城鄉人自南來得毋竊笑唾爲政豈不難懼得罪巨室
諸公爲民望自有衛鄉術答云無多囑求治戒太急覲顏
謝諸公謹識無敢失何以答輿情此心矢皦日

吳玉松侍御以詩贈行次韻酬答

頻年役風塵南北屢奔走紀行雖百篇終自落窠臼謬賞
辱名公公實風雅首伊昔提玉尺黔南暨江右萍合逆旅
間清詩笑脫口歲辛酉戊辰公典試兩省俱與對會遇途交唱酬爲樂嘉會千載逢

萬里祝

天壽彌旬飫大官未座廁僚友獨愛枌社親迨暇飲此酒
所憂瀛海壖窮歲無獲醜紛紛策戰防責效屬誰某公方

卷十一

二

擢臺垣何以告可否一鳴定驚人丰采望已久晚節期松
筠弱植起蒲柳豈徒尺幅箋珍襲逾瓊玖

飯姪昂新城尉廨

夜走三十里熹微達新城阿咸尉斯邑垂老得代耕舉鞭
扣其戶籠燈笑相迎朝陽入窓牖几案陳縱橫巍巍尚書
後傲骨撐崢嶸此人爲此官得無不平鳴階級無崇卑要
不失家聲八口聊自餬一命寧非榮平生坦率性知止無
驕盈以茲六十化顏色如孩嬰牢九出新磨聶切調湯羹
我饑一飯足勺酒有餘醒頽然就車卧浩蕩江海程

邳州雪後曉行

出門白茫茫不辨天與地無月光自寒不風氣逾厲邳州
城郭如夢中十里五里人不逢平明村店一犬吠老鴉踏

破雲幾重行行喜踏江南路芒碭山高兩尖露笑我倒披
王恭篋誰人半掩袁安戶

贈嶧令錢曙峯日照公子

我行嶧山下有刺投馬前云是新令尹籍氏錢塘錢薄暮
逢陰平令尹來相迎相見不相識執盞言其情而翁孝廉
宰岱北尊人小山同年舅氏太史今方伯蔡小霞當時同

歲上公車春風躍馬長安陌太史庭多咏絮才孝廉兒是
排風翻兩家姻婭世朱陳抵得人門俱第一我登筐篚初
入貢一見傾心氣莫逆無何孝廉下第歸我與太史同儕
宅鐵版秋聯聽兩床粉坊夜踏如霜月季女髧髧年六七
折花時時戲我側我抱置膝不我瞋即今嶧縣令尹之夫
人年華逐流水世事如風輪亦有新知樂何如舊雨真此

卷上

三

景回頭二十載怪爾髧髧能記在由來庭訓詩禮爛坐令
年催髧顏改即看三十已專城墨綬符作賢宰可憐世
上兒子徒紛紛少壯何知老大悔君不見孝廉有子真鳳
雛方伯有壻如璉珣徑須滿飲爾百壺二老聞之一笑無
酒闌月黑雲模糊明日雪花如掌大單車薄笨還南驅

清江浦聞蘇園凶耗愴然有作四首

他鄉吾累汝死去莫憑棺袁浦魂真斷盧溝淚未乾子出都時

然園扶病同行至盧溝橋首邱終古恨歸骨一時難今夜

高堂夢依然膝上看

遺腹憐君獨苦心念母勞撫孤過五十食報未織毫夢夢

天難問茫茫首重搔應知九泉下猶著老萊袍明年二月為母夫人

七十壽預計偕
子同歸稱觴

半世依人計千山負米心空成王粲賦幾見郭隗金勞積
三餐減愁多二豎侵春明重回首落月冷楓林
吾衰成嬾情萬里倩君扶自失秘書省空尋記事珠亦知
朝露幻忍聽夜烏呼一事堪相慰聲清有鳳雛

歸省詩三十韻

間歲一還家寧親

異數誇甲子丙寅暨今已巳六年祝
中三次歸省真異數也

釐初進兕反哺許隨鴉游野舟如葉山塘水一窪絲衣裁
內帛

紫誥劈黃麻卷曲衝泥滑門低帶日斜容顏依舊好髻髮
未全華藥裏無妨減盤餐為少加潛將喜懼色併入笑言
謹移榻松搖翠攀樓石露牙當時游釣樂是處夢魂嘉幼

卷十一

四

弟玉為骨童孫蘭茁芽授經憐俊慧學語聽呶啞伯也嬰
沉痾年來禮釋迦論文通梵唄話雨坐跌跏再見含飴弄
長懷食德賒宦遊虛拜墓令節恰吹葭丙舍香山築輕橈
胥口划飛灰散邱壠清淚落林樞臘近酒初熟冰堅魚可
又招要多白社絲竹障紅紗辱贈詩盈軸應憐癖嗜痴范
芝巖李松雲兩太史盧湘槎明府蔡筠蘭孝廉俱有贈行之什情親寓鍼砭技癢劇搔爬
安得陪鳩杖相將泛海槎心擊一寸草詞達

九重閣

有父健詔許將省視臣

告眷戀情何極林泉願敢奢

聖恩真汪濊時事值紛拏巨浸聞奔鱷流光感逝蛇經旬
依膝下別路又天涯子舍雲烘墨江天雪作花如何慰垂
白慎守壁無瑕

鍾吾道士李補樵照

記曾犯雪訪仙都讀畫看山興不孤李所居為看山讀書樓甲寅歲暮風雪中
登覽一回首卅年真夢幻失身萬里落塵區未容問道陪巾
拂猶許從遊到畫圖見說安期在入世欲尋幽磻餌菖蒲
留別章桐門中丞二首

聯轡趨

丹極分符下

紫宸來應陳疾苦到及布陽春公以長至月到官數郡沮洳舊三

冬杼柚新由來歌樂利

列聖減租仁吾吳賦重甲於他省國朝仁廟憲廟
時屢詔寬免十之二三民利賴焉近以漕

政敵壞當事者方議更張故及之

節旄移六詔榮戟建三吳薄俗疲庸吏清風立懦夫銛鋒
金在冶心跡玉為壺惆悵河橋別江楓夜擢孤

覓渡橋守凍

卷十一

五

雪霽寒逾厲風高凍益堅早知終着岸何苦便開船冷落
高堂夢低徊故國天幾多遊子淚流不到門前

杭州示灌畦弟

秀州一水達杭州弟自杭感子能來慰旅愁百歲久拚俱

泛梗連宵難得又同舟伶俜十口琴成爨翫驩長身屋打

頭莫嘆官曹似錢虜不貪是寶更何求弟方監錢局

富春舟中

一櫂富春渚空江木葉稀饑鳥入雲叫野鴨傍人飛水落
岸容靜帆低風力微舵樓晚飯好頓頓白魚肥

過嚴陵釣臺作

桐君送我飛蘭艘峯迴灘轉七里瀧羊裘一領披大澤釣

臺百尺臨空江誰言客星犯帝座夜半故人加腹卧當時
絕足騁風雲落落寓公餘一箇氣節遂開東漢先崇祠合
祀西臺左對江為謝坐今州名屬先生江淨行人不敢唾
君不見礧礧熊淮陰狗一竿那得常在手

簡敷文山長顧星橋丈

國初以來詩教昌扶輪斷自老宗伯歸愚先生茫茫墜緒別源

流正始千秋延一脈教忠堂前客似雲葑溪門畔水連宅

心香一瓣誰嗣之高弟長康號癡絕蘭苔翡翠碧海鯨聞

道前賢畏後生早年牛耳執壇坵晚歲鼇頭踏玉京長楊

獻賦黃金賤天祿校書藜火見揮毫鳳詔誰復憐啓事藤

廳羞自薦中和樂職豈異人一麾迢迢瘴海濱詩成却被

珠孃笑馮實卷給政拙偏遭長吏嗔拂衣便賦歸去來高

樓依舊月滿懷丈所居為吳中山水看不足清風絳帳西

湖開湖上莖蘭雜桃李歲歲春風隨杖履別來顏色愈豐

腴老去詩篇更清美相逢忽憶兒時事斂袂階前問奇字

親知撒手如搏沙耆舊何人還拔幟宗伯墳頭宿草荒丈

人真是魯靈光遺編獨抱濟南伏跪履時逢圯下張風雪

程門萬松嶺園林洛社百花莊承示百花莊舉大老會與

投紱何年從六老將車捧杖重登堂家嚴及諸尊宿倡和詩

蘭谿舟次送查丈梅舫淳廷尉赴

闕兼寄白雲亭諸公

廷尉天下平權與司寇埒大哉萬民命生死必關白定制刑部

遇死罪囚必與大理寺會勘制若輔車依出入互呼吸

朝廷慎其選清要並九列六部都察院通政司大理寺謂

臚光祿 之上 奈何自我損謬甘閒散擲可否了不問畫諾隨指 斥我

皇慎庶獄琴瑟誠專壹刑人共庶人勅法况爾職丈人天 驥姿歷塊屆遠適提刑閱兩邦黔南 江右奚啻千人活此行既

特達成句

宣室正前席邂逅雲水間執手惜頃刻靄靄白雲亭鴻爪 我陳迹判牘如山高佇公引繩直讀律安足多請讀

明慎說

問刑廳事俱榜懸 御製明慎用刑說

灘行口號廣信 道中

三里一折五里彎一灘行過又一灘雲根山骨牙角露蒼

龍出沒翻濤瀾何人疊石開水立水碓坐令水石終古相

控搏舟行到此爭線路投篙棄鰲窮延緣季冬江水寒復

卷十一

七

寒脫却破袴赤兩髓水寒浸骨骨欲穿邪許中間出死力

或負以背承以肩千搖萬兀得尺寸風淒日瘦聲嘶酸我

時擁被方醉眠蒙頭不識路險易但聞雷鳴地中珠走盤

榮枯咫尺成天淵嗚呼榮枯咫尺真天淵

舟中不寐

客寢不安枕荒江旅泊孤灘聲喧欲碎人語細如無警急

傳氣侵傳聞粵中 盜氣益熾艱難愧腐儒眼看歲行盡何術靖荏苒

弋陽令黃有堂

贈畫竹賦謝興化人 兄約 領名 驛

工詩畫善奕歷草山左有脩聲憂歸起官謁選至都

子適官比部與之交末一年歲戊午予偕伊大墨卿

言八臯雲扈從藥陽會隴右需才約領將捧檄同人

瞻 覽行在留子寓館信宿寫墨繚一紙留別同入 已冬十二月予自都旋粵道出弋陽有堂適宰是邑 道故感歎有堂亦自都旋粵道出弋陽有堂適宰是邑 并命約領子緡持遺稿及所寫墨牡丹來謁蓬窓展

玩不勝人
琴之感云

揚州鶴骨不可尋君家昆仲雙南金約領已化有堂老相
逢話舊眼倍青惠然贈我兩竿竹清風颯颯寒江澳一幅
欲偃復欲仰鏗然滿聽鸞鳳響一幅貴瘦不貴肥千个萬
个玉屑霏一寫風中東坡與可不出世君更變法出新意
對之凜凜洗肝鬲傾吐不復留纖漬約領雖逝今則存瀟
湘暮雨來招魂不見新篁依老幹子還生子孫生孫
題黃約領畫墨牡丹并其遺稿

故人已黃土遺墨尚脩然富貴不暖色化工本自天清芬
看令子孤賞讀殘編苦憶灤陽夢秋風對榻眠

公先芝圃中丞福席上飲苦露酒并分甕見遺戲用坡
公送碧香酒與趙明叔韻賦謝二首

卷十一

八

南行再下西江灘東道不逢北海相蓬窓十日雨兼風天
公作意天花釀已拚入務酒罄瓶更欲尋醫詩避謗使君
醉我黑甜鄉苦露酒黑色而甜釀自京口醺然暖勝紫茸帳京江風味
我最諳千里元膺走瞿蓋願公散作萬戶春提壺遍助田
間餉

平生可笑蕉葉量此甕足支三月餉一中時時勸徐邈亡
何日日了袁盎更倩墨君伴綠樽未要金釵圍繡帳牀頭
陽令黃有堂寫興來中夜發狂歌倦觸屏風僮僕謗偶然
贈墨竹二幅
洗盞便思君但祝此人如此釀清中帶濁聖賢心苦盡得
甘壽者相

聞海賊郭婆帶一股已投誠

聞此聊堪喜愁中亦好音窮鱗猶漏網困獸已投林不殺

豈天意難知是爾心立功還自贖餘孽待成擒

南昌聞阿兩牕制府凶耗感悼二首

此信傳來然不然幾回搔首問蒼天似聞巷哭聲千里誰

道家無屋半椽

公舊宅久屬他姓

報

國心餘空飲恨蓋棺論定始知賢西風欲寄潺湲淚章水無情鎖暮烟

卅年蘭臭宿心親直諫於今更幾人畫省分香詩滿袖湘江倚櫂涕盈巾近叨

恩召隨肩入猶聽危言剖腹陳一別苑門成永訣春明回望渺前塵

甲子歲除閩南官舍曾和坡公饋歲別歲守歲詩歲暮章江舟次輒復借韻為之簡菊溪制府三首

卷上

九

離家謝親朋去郡散叅佐買山不用錢聚石足充貨居然一口水吸盡西江大况有竹兩竿日抱風雪卧絕勝官閣

中朱墨紛照座烏薪權餘烟白粲出新磨

弋陽令黃有堂寫風雪竹兩竿

兼烏薪白米惠贈 珍茲歲暮心於我得已過聊將白雪吟往索陽

春和

長庚伴殘月欲去意尚遲寸陰一以失千駟馬能追我今獨優游卒歲江之涯牀頭一束書坐卧無離時寧為飯山瘦肯作糠覈肥坐念官事到便生無窮悲愛我桑榆暖餉君米雪詞三餘真可寶一息幸未衰

側聞巨海鱷勢若常山蛇藩籬未及固羝觸誰攔遮蹇蹇賢制府我勞今如何路逢南來客刺促口語譁樓船幾時具戰鼓且停槓黃昏祀司命坐待蒼龍斜及茲歲更始毋

為嘆蹉跎雞鳴天下日暮芒馬敢誇

峽江雨夜

一雨夜連江灘流瀉急瀧濕雲封雁渚細火漏魚砵防海
原無戰投戈且受降時聞海賊有乞降事蹉跎歲時換憑仗酒盈缸

臘月二十四日萬安舟中二首

十八灘頭一葉身坡公句人言司命醉今辰捫心一一從頭
數無過無功可告神

卧聽村村打夜胡攔街鑼鼓雜歌呼不知豆粥家庖下留
得行人口分無吳中是日煮豆粥闔家同饗雖遠出未歸者亦留貯口分名口數粥見范石湖村田

樂府引

惶恐灘再用坡公韻

水宿風餐半百人年頭歲尾倦遊身短簑舞自娛孤客長

命杯應

卷十一

十一

賜近臣下瀨昔愁梭折齒上灘今怕劍披鱗險巖世路經
行慣嬾向長沮更問津

天柱灘

夜泊石人壩雨電如李梅朝行天柱灘濕雲如凍醅天寒
山脚路槎枒石千堆亂沫散晴雪盤渦轉輕雷緯夫若猿
狄捷足穿巖隈孤舟刀劍尖一觸吁可哀遙憐深閨內金
錢卜幾回下灘愁君去上灘愁君來君去箭脫弦君來魚
暴腮愁來復愁去霜髻日夜催

咫園久不作詩歲云暮矣相對蕭然戲用坡公密州
除夜贈段屯田韻作詩挑之

人生少百年倏忽行過半何況走道途又作徂年嘆回頭

萬事非顛倒神鬼玩結交幾僑郊撒手搏復散惟我俞夫子十年真老伴炯炯如長庚獨與缺月旦欵眠夜聯床對食日同案澹然無言說寂坐整紛亂詩書謝糟粕道德自沃盥多垂盡年惜此須臾緩看君手一編解悟得新貫曷不出緒餘一鳴起子懦君看烏蓬底雞衝燕獸炭江廣竹如籃內嵌瓦盆以燕炭名雞衝何如官衙內短檠冷賓館呼童撥餘灰苦露舟中適有此酒手自暖坐看醉頰紅待啟玉齒粲

咫園見和并為予點竄前篇疊韻答謝

畫虎動成狗畫眉額逾半但拾古人餘那免識者歎我老不自羞篆刻逐兒玩苦無行祕書三篋記亡散獨有玉局翁翁行住常自伴毫釐謬千里燕蝠爭夜旦一字吟未安百篇空堆案所賴賢友生治絲斬其亂出諸塵垢中三薰更三盥又如病呻吟妙手遇秦緩要令金在鎔底聽珠纍貫行當賈痴歎誰復笑庸懦眼看歲已闌欲燼爐中炭春風在何許香動梅花館日內當到南安扶桑海日曠萬象盡回暖永言歌緇衣子館予授粲

咫園再和再疊韻答之

我慕蘇門山長嘯落巖半坐令阮嗣宗空作窮途歎從來澹宕徒不供時俗玩結習一以除任逐天花散先生老從事丈室誰與伴羣鳥無雌雄獨鶴自夜旦年來效啞聾無言對空案豈知五千卷撐腸兀凌亂初如蘭垂茗乍受曉露鹽漸如溜決渠奔瀉不容緩尚看餘力強勢欲笠叢貫我但提偏師望陳氣先懦那堪風下旌復撥灰中炭喟君逸羣姿豈合老儒館蔗境晚節佳桑林暮光暖不見雙芝

奇已作三英粲

謂兩郎君

咫園三和韻中多感悼蘇園語讀之愀然復三疊韻
走筆報之

一昨乘輕舟涉江秋正半弄花香滿衣

成句痴絕笑元歎

顧雍字元歎仲秋舟次峽江蘇園

登岸折取桂花一枝予以詩相戲豈知露電身瞥眼難把

玩劫來江茫茫人花忽同散相對惟汝予寂寞形影伴逝

者則已矣長夜何由旦一棺蕭寺中誰歟真靈案存者徒

自悲愁心等麻亂殘年知幾何滴酒如既盥歸舟一何遲

爬沙路迂緩安得一矢加快看七札貫擊賊口徒存防邊

計多懦坐愧海畔民頻年半塗炭一官雖傳舍百歲亦假

館耿耿抱寸心灰燼有餘暖中宵不成眠起撫角枕粲

虔州留別鄭灑江

光圻

太守同年再用坡公鬱孤臺

韻

賀蘭山好在來往記清遊孤塔迎船出寒江遶郭流故人

三絕鄭一別十餘秋君夢竹西路予愁海外洲苦思木瓜

酒爛醉湧金樓

卅年前與灑江在都門同醉處

老友無多箇循聲閱幾州

行看清獻澤長共鬱孤留無那朔風勁朝來促去舟

南安舟中除夜用坡公除夕野宿常州城外韻二首

已知五十二年非石火光陰一線微漫說過家仍是客未

成報

國敢言歸近村人喜糟牀注遠市聲傳爆竹稀想見辛盤

圍燭坐魂飛吳粵兩依依

彈指年華半百徂不堪把玩更前途千金未就屠龍術隻

手空懸畫虎符能事區區咬蛙蛤衰容冉冉入髭鬚廿年

京國難忘處鹿尾羊腔雪白酥

咫園見和疊韻奉答

仙侶同舟願不違刻殘樺燭篆烟微交如飲酒休辭醉官
可為家也當歸笑我痴默何處賣似君雅尚近來稀終年
嘯諾容疎嬾豈獨宗成識所依

橫浦橋西雁影徂楊朱底事泣歧塗水雲蹤跡垂垂老水
雪心期默默符隔歲寒威銷蠟淚新年春色上花鬚歌呼
儘許親僮僕有肉如脂酒似酥

庚午

元日立春南安舟中作用坡公元日過丹陽韻三首

椒花柏葉漫紛陳嶺樹江雲作意新好語喜聞越中雪

中昨冬得雪

人生幾遇歲朝春年書大有呼如願官是重來趁

卷十一

十一

吉辰九頓船頭看斗柄不須報曉問雞人

白酒寧嫌隔宿陳青陽剛是逐年新觚棱望斷千山路煙

火看回萬戶春漸喜

皇威散氛祲

時聞粵中盜氣稍靖

可容仙侶步星辰勞薪暗向風光

轉輸與江湖一散人

竊祿頻年飽腐陳又看雲物一番新江邊柳眼欺殘雪山嶺
上梅花占早春絲仗東郊慶端始巾車南畝樂逢辰但將
健筆酬豐歲遮莫長為海嶠人

咫園見和四疊韻答之

從來蟬噪陋梁陳杼柚多君鬪歲新

咫園有杼柚在予懷之句

共悟百

年身是客相將一笑物皆春醉看幡勝散霜鬢夢繞爐烟

紫辰寄語風前雙綠玉

舟中適有畫竹二幅

平安慰取倚閭人

正月二日度嶺

照眼烟霞簇曙新南枝占斷十州春盤盤磴踏回頭路發
發風吹返旆人竹馬漫勞迎郭伋戈船曾未識盧循開元
相業憑誰問風度依然百世親

嶺梅每歲十月先開今立春後過嶺而花極繁盛山
僧云去冬風雪嚴寒花遲兩月前此未有也

多謝千株嶺上梅故人不到不先開耐寒氣得中原正破
夢春隨使節回山寺雲深封薜荔巖扉逕滑瘞莓苔只愁
別後遙相憶未必花時我便來

疊韻酬咫園見和前二首

反纏老馬鑿蹄新澗道餘寒未覺春底事梅花偏愛客遲

卷十一

十四

君詩語欲驚人天邊筋力憐衰謝海上瘡痕愧拊循入境
故教行緩緩久拋簿領怕重親

此行端的為探梅人自勞勞花自開訝許明珠迎日出愁
看翠袖舞風回僧閒不掃年前雪鶴老還尋去後苔悟徹
色空空即色羅浮夢裏記同來

次韶州閱省抄感賦二首

老矣軍門士防秋赤角潯

洋面各

當關甘袖手縱壑是何心

水懦尋常見

天威咫尺臨爭看震雷電一鼓掃重陰

聖主如天德餘生貸爾曹網從開一面釣自掣連鰲狼子
心難料蜂窩螫自遭何當縛元濟賊將効微勞

人日英州舟次喜願果庭文至即同載赴省

滇陽峽下雨絲絲七日風光廿首詩綵勝嬾簪羞髻短草
堂欲寄少心知喜逢人至邀同載恰似春來不負期秀野
當年遺韻在莫教三雅笑空持

果庭為秀野先生後
先生家有二雅飲器

果庭咫園見和復疊前韻奉酬

萬里星霜兩髻絲天涯人日共題詩雨餘峽寺猿啼切春
到滇江鴨夢知把盞尚留殘臘味傳柑要趁上元期只慚
未報

君恩重廿載天南節重持

寄和南雅表弟都門贈別二首

誰能碧海掣鯨魚苦戀西清俶直初小別親知情轉切一
番寵辱念都除文章臺閣雲霄上風雨羅浮夢幻餘慚愧
兼句歌既醉觚榘回首意躊躇

卷十一

五

年來蹤跡磨牛旋敢說家承晝錦韓鳩杖特蒙

天語問萊衣許對日華看獨憐旅雁三秋斷剩對清樽一
笑歡莫怪空囊羞澀甚青種風味故餘酸

慶涵齋將軍訓女課孫圖二首

韋平門第鬱崔嵬幕府遙臨海國開上將韜鈴雄虎豹詞
人池館接蓬萊藕花香裏含飴弄柳葉風前詠絮才幼女
童孫勤課誦周南魯頌治兼該

元凱旌旗控上游當時傾蓋自荊州

丁卯歲初識
公於荊州

江城笛

奏梅花落嶺海詩先玉案投庭似鄭家生帶草人如叔子
曳輕裘青箱世業傳圖畫萬石原從萬卷求

次韻秦小峴少寇寄懷二律

又作經年別流光逝水東詩懷無恙好交誼有誰同海澗

疑浮蜃天高泣斷鴻憑公秉秋鑑片語揭孤忠

近聞歸計決理柁向吳江自負十年約空勞百斛扛鯨鯢
已京觀島嶼尚旌幢制府尚駐高雷勇退談何易風波怕
急瀧

次韻百菊溪制府遂溪郵館饑坐四絕句

三軍凱唱喜椎牛戮盡鯨鯢海不流偏是將軍多負腹帶
圍寬減不勝愁開先生近頗瘦

篋節珠厓記夙緣三年飽咽瘴茅烟雪泥鴻爪憑公問可

有人貽劉寵錢予昔觀察高涼曾督捕雷瓊間忽十餘年矣

赤烏人爭仰碩膚壺篋夾路聽歡呼豈知夜半饑腸吼枉
說胸羅百萬夫

前驅恨不逐清塵雲海相望許夢親為擷溪毛薦司戶蒸

羊逆境更何人

寇司戶祠在雷州

次韻百菊溪制府平海詩八首

樓船寂靜下瓊雷十萬山頭幕府開故帥降酋皆感激叅
軍祭酒各奇魁長圍一夜鮫宮合橫吹千山虎旅回生縛
天吳眠鼓下誰令尾大卅年來

目送青旌轉水涯前驅得雋羽書馳已看島嶼封鯨骨旋
把弓刀裹虎皮少婦來迎金勒馬洋匪鄭一死後其妻石氏為羣盜依附公曉

以禍福石氏首先率眾披誠嗣後香山受降雙溪擒賊頗資其力元戎親解玉盤螭軍書
兩篋詩千首借問何如杜牧之

郭伋還車鎮兩河森森武庫閉矛戈風清八陣盤魚鳥月
黑三更擊鷲鵝塞險手驅丁甲轉登高命絕癸庚訛牂羊
墳首藩空觸已散連尻結股魔

儵極游魂出草泥，轅門戢戢首崩稽。投戈滿路村農治，積
鎧連山驛馬齋。更乞偏師行萬里，還操右袂獻雙溪。張樾以萬餘人降乞擒烏石二，以自効。遂與舟師獲賊於儋州之萬里長沙公受俘於雷郡之雙溪港。乃知得鹿
惟由鹿銅柱，功名復嶺西。

封侯分不到，書生腰下昆吾且自橫。太息蟲沙輕變化，頗
疑蛟鱷負生成。二年掉首吟諸將，一月臨邊快洗兵。堪笑
空拳無可用，對公忽使壯心驚。

恢恢湯網拓三隅，盡格

仁天宥罪書。抱馬雖憐歸死切，牽牛尚恐治生疎。經營版
堵安鴻雁，戒慎波濤洽鮪魚。看草萬言勤問夜，苦心長此

奠民居。

公條陳善後屢疏萬言，午夜不輟。

慚愧雲霄一羽新，乞公餘烈効涓塵。

對未列戎行亦蒙恩賞，花翎公之力也。

卷十

十七

但誅彊禦無遺種，庶慰鰥惇有告民。天上凝丞留保障，海
邊牧守重良循。拈毫擬著中和頌，歌入膠庠好事人。

酬庸異數信無慚。

公以功奉銜世職，并賞戴雙眼花翎。

優旨晉秩官。

舊德新恩衆

所諳，後日田廬思子產，當年獄市仰曹參。

公前撫粵時釐徵之德最大。

還珠事業設何易，飲水心期矢不貪。憑仗師資兼父執，幾

回安問到江南。

公與家嚴交最篤，屢蒙書問。

庚午中秋試院次廳額德定圃宗伯韻三首

珊珊拋將海底寬，燈牕忍負十年寒。千金容易求全璧，寸
晷應憐速走丸。喜獵竟忘人老大，驚秋重對月團圓。一甌
且學煎茶客，睡起閑從壁上看。

比屋如鱗肅兩旁，分曹領簿為提綱。三條燭燼思當日，一
第名虛愧此堂。儘許花枝簾外看，可聞桂子月中香。番番

良士知多少，矍鑠同登竿木場。今科老生應試者甚夥。

琳琅束筍手頻移。每次解送內簾，卷必手自繕閱。鎖院深嚴五夜時，

匠儀型前輩，在楚弓得失寸心知。未除結習從吾好，怕有

遺珍慎爾司。五所官皆新，手恐有錯漏時，時督責之。屈指佳辰，

預譜鹿鳴詩。

李鳳岡太守威以攝糧道充提調官辱和前章疊韻

答三首

步武雲亭歲月寬，生成骨相兩酸寒。君才豈合紆黃綬，吾腹猶堪飲墨丸。雲掩金波風詠蕩，班齊玉筍影檀欒。拘官難得聯吟樂，猶作吟吟矮屋看。

如虹氣吐斗牛旁，無數珊瑚已在網。海國英才何濟濟，

盛朝典冊本堂堂。春蠶聲走風簷客，秋枕魂依畫省香。見

說讖新花樣，好目迷優孟共登場。

指點廉山隼旆移，分襟無那撤闈時。撤闈後君將論交道之任廉山。

比論文重好德心，從好士知老去一麾新。雨露南來幾見

舊曹司，天涯亭畔如相憶。看我當年浣壁詩。天涯亭在欽州，余廿年前

有詩題壁

黃村咫園兩從事，見和三疊前韻答三首

滕王閣下水波寬，風雨扁舟客夢寒。幾度中秋能對月，百

年世事迫跳丸。獨憐舊侶隨烟滅，竟使孤兒痛棘欒。今夜

清輝空萬里，重闌深鎖帶愁看。去歲中秋風雨中，借咫園

圍已下世，其子直杖來依咫園，雖在幕中亦有咫尺千里之歎，對月感懷，倍增悽悅。

自笑科名歧路旁，漫叨

恩寵賜頭網，屠龍未就三年術。畫虎慚登數仞堂，石鈿隨

身紅玉琢

用東坡詩意

綵毫染翰紫泥香

監臨例用紫筆

七千卷

要從頭數也算春風桃李場

多情蓮幕榻同移

苗村移榻院中襄事半月

坐嘯容子十二時杯月遙

知千里共冰壺只許兩心知尚餘技癢追年少敢以冬烘

請主司半月勾留何事業一篇文字數章詩

史荔園胡墨莊兩主試見和四疊前韻答三首

窈窕重簾尺地寬不教風信透清寒傳箋訝許珠千顆換骨曾無藥一丸稍喜鯨波平海甸坐愁蟻穴蠹棖藥

粵東洋匪

悉平土盜未靖乘槎何意蓬瀛客小住人間冷眼看

月斧親攜

帝座旁杓衡坐想握天綱百年我負黃金榜雙美人來白

玉堂撒棘待沽彭澤酒隔簾先接令公香麻衣倘許今重

着一例秋風瑁璆場

卷十一

十九

詩集全重

沉沉棘院漏頻移多少諸生鵠立時桃李門牆公自富槐

花情味我曾知已看太乙光難掩試挽狂瀾柄孰司不敢

頻催添蠟燭珠江秋色要清詩

墨莊主試以紀行詩見示五疊前韻贈別三首

卅載交遊人海寬仙凡路隔舊盟寒奇緣天假七千里絕

技蠅承十二丸踰嶺詩成雲靄靄餐英人比瘦藥藥寧知

白玉樓頭賦也許風塵俗吏看

文字選集稿

雲烟過眼萬山旁收入新編網在網驛路記曾行得得詞

壇敢鬪陣堂堂平生未識匡廬面歸夢空聞橘柚香一自

低頭拜東野郎當舞袖愧登場

琴當送遠調先移記取聯吟月上時飛旆乍看蝴蝶逐離

心應有鷓鴣知論交我恨逢偏晚得士君真稱所司定識
歸裝嗤陸賈誇人笑指一囊詩

九日題樊總戎雄楚晚涼洗馬圖即次自題原韻并
送其移鎮之江四首

讀書破萬卷才思奔風泉學為萬人敵白馬黃金鞭衆中
識馬周火色騰鳶肩三年典宿衛戎冠珥貂蟬要讀霍光
傳此事肯棄錫

百戰歷楚蜀匹馬真如龍建牙古高涼卧道多熊熊艱難
振長策妖蜃收焚籠一勝豈足多當念平時功蕭然大樹
下獨坐追涼風

涼風鑑江渚

鑑江在高州城西門外

夕陽明水花愛此一泓清洗出

拳毛騮猶思戰場利轉益髀肉嗟興來試橫槊逸思凌烟
霞何為君與馬又向天一涯

卷上

十一

重陽一樽酒設辦出塵尾雍容裘帶間復覩羊叔子湛輩
何足道碌碌因人耳從來褒鄂姿合置邱壑裏驛使逢梅
花折贈勞知已

錢年伯母程太夫人七秩壽詩

許史門風峻雷陳友誼堅起居尊八座拜母自髫年長水
何綿邈吳江每溯沿嚴君寡交與父執獨周旋側耳聞
庭訓傾心仰大賢才名思入洛行李共遊燕風雨情相慰
雲霄翮倦鷺為思張翰繪同返子猷船緱嶺騎歸鶴蓉城
誅謫仙家嚴與年伯交最篤昔年同應京兆試聯舟往返抵家後年伯遽返道山家嚴至今猶深感悼
神駒看蹀躞雛鳳待踟躕返荻自歐家畫經從韋幔傳折菱
心自切丸胆教彌專業問元亭字名登弟子員共驚江管

燦先奪錦標還結束文成陣淋漓筆似椽裘看狐腋集射
必蝨心穿科第蓬瀛冠勲華金石鐫大名爭慕蘭便腹富
同邊賤子多兄弟微才愧杞梗都分邱氏錦叨附祖生鞭
對丁酉歲與中丞同貢拔萃科
癸卯家兄又與中丞同登賢書索米長安道聯吟元白篇
母儀時仰止慈誨荷陶甄策勵期探學殷勤戒省愆提攜
到子婦推解極纏絲感切家人誼真疑宿世緣官階尤甞
勉雲路互翩翾每奉

絲綸渙相期黼黻宣卅年非草草一別更拳拳開府承
恩命籌邊駐節旃歡聲迎翟第親手御魚駟粵嶺東西對
祥飈上下連時逢吉庚歲春轉小陽天紉纒歸邪瑞輝煌
寶婺躔七句瑶席啟一品綵衣鮮第祿多康矣神明益固
焉望雲歌燕喜遙拜節樓前

卷十一

十一

題胡栗堂羅浮遇仙圖即用黃仙原韻三首

四百三十二洞年年月朗風微踏破一雙芒屨白雲相與
同歸

曉夢空山葉落晚風古寺鐘微邂逅拍肩一笑蘇耽化鶴
來歸

獨立蒼茫古渡一天殘照熹微留待梅花有約小橋流水
懷歸

次韻景憶山中丞奉

使來粵過菊溪制府即席口占二首

憶別湘江渺嗣音星軺天遣慰離心往來二老風流甚添
箇冬郎學浪吟

陶寫聊憑絲竹音小陽春盡見秋心誰知官閣圍燈坐猶

作書生擁鼻吟

題胡印渚副憲花月經相圖二首

拈來微笑印來同妙悟因緣觸處通
文室散花花艷艷滿盆貯
月月融融木樨開處原無影
銀魄懸時恰正中
鹿女青娥齊證道
堯羅縮手指虛空

第一花開占早春
知公明月是前身
心香不斷濃於酒
臺鏡長磨爛似銀
選佛場中添說法
無遮會上妙傳神
只愁先我朝

天去蕙海清風孰問津

送胡印渚副憲提學任滿還京次留別詩韻二首

辭壇漫詡接高岑
朗抱冰壺快滌襟
沆瀣氣同承素月
予兄金圖師門下
楷模心久鑄黃金
三年海國成陳跡
一集卷

阿續舊吟

公所著有經進稿行世

桃李森森披萬樹
思公都作召棠陰

殘年薄領因安州
握手河梁惜舊遊
九曜石邊星影散
百花頭上露華留
過門魚化都思奮
遵渚鴻飛本自由
此去班生西向笑
繡衣驄馬足風流

伊墨卿以詩寄懷次韻却寄

不見墨卿久
經時夢暗牽
別從竹西路
望斷海門煙
堦墓三年外
看雲隻影前
羅浮遺履在
孤負月嬋娟

至日過訪憶山病起辱贈次韻奉答

問訊維摩室
拈花笑向人
定心真似水
下筆乃通神
澹泊雲霞契
堅貞石柱石
身莫嫌談片刻
一線已回春

送憶山中丞還湘即次贈菊溪韻二首

無端海蜃駕層波
犀照全消十丈魔
執法手寧隨俗轉
持衡心自辨言訛
偶親杖履春常在
滿醉醇醪飲不多
屈指開帆黃木渡
臨風愁聽蜚人歌

到老詩成覺有神
一番離合一番新
忘年兄弟兼師友
際會風雲契

主臣三月甘棠留
粵嶠兩階舞羽遲
苗民略同借寇轅
轅切去去難回有脚春

憶山將行復奉

命留鞫潮州之獄喜而有作即次見贈韻二首

天遣慰離愁
遲遲欲發舟
歸程休問雁
吟侶舊盟鷗
春色回江草
人情幻海樓
知公秉清鑑
披霧照高秋

臘鼓聲中不了緣
東風挽住木蘭船
此心已逐牂牁水
直

到黃陵古驛前

卷十

三

還讀齋詩稿卷十二

辛未

元和韓 對桂舫著

送憶山中丞還湘即次留別韻二首

向中冰雪座中春
瞥眼新歡跡又陳
偏是臨歧無一語
不
知肝膽向何人

古調同操海上琴
人間底處覓知音
只除不盡湘江水
寫
出天涯兄弟心

秦小峴少寇蒙

恩子告行有日矣
自京貽書索詩賦寄八首

橫空遙指鶴南飛

天許神仙李泌歸

盛世山林供養望
比來知退似公稀
來書謂近有得於大
易知進知退之義

卷十二

朝端正色孰為儔
京兆春風畫省秋
我亦白雲亭上客
心
傾砥柱鎮中流

到處棠陰聽政聲
宦遊歷歷記生平
湘江雲水珠江月
牽

惹離愁取次生
余宦遊湘粵二
省皆公舊治

檢點歸舟一葉裝
長留詩卷富琳琅
待傳佳話江南遍
桐

帽棕鞋舊侍郎

名園

天藻映卷阿
玉戛金樅字擘窠
公家寄暢園有
御賜玉戛金樅匾額
高唐一

步一尋遊釣處
參天樹已十圍多

恩予知章乞鑑湖
空山猿鶴笑相呼
大名上壽兼奇福
壓

倒香山九老圖
錫山耆英向
有九老會

每懷親舍白雲邊
幾度虛陪餞歲筵
多感通家如孔李
買

舟許我拜堂前

來書謂欲親詣吳門拜見老父足感高誼

持節三年瘴海濱清時詎敢厭風塵何當一棹催歸去同

訪黃婆墩下春

送菊溪大司寇入都五首

菊溪以病乞假勞擢大司寇

優詔慰召入都

無端鏡鼓送歸艍悲喜交成淚數行難老精神

天護惜驚人事業

帝誇張爽鳩席正臯護後威鳳祥儀

舜殿旁此去抽帆真到岸回看海已不波揚

公近咏有抽帆到岸句

獨憶前年轉節旌蔥雲重覆五羊城蒼生額手瞻丰采舊

吏從頭記姓名誰使連年聚蜂蟻獨操全算馘鯢鯨師行

六月飛鳶墜那惜勞驅瘴癘嬰

三冬伏枕病支離籌筆曾無手撤時陶尉功真橫嶺海令

卷十一

二

公名久震華夷一肩琴鶴清於水萬井農桑教在詩為有

黥黎拋不得挂帆欲發又遲遲

書生無分賦從軍憑仗風雷濫策勳畫諾兩年成我嬾治

書五夜感公勤不辭謠詠憎多口但有心肝奉

聖君父老不須頻卧轍三台翹首見卿雲

二月花明五嶺春臨歧珍重酒行頻關來痛癢鉞砭切畧

去形骸笑語真目極南雲違子舍心依北斗望

楓宸歸舟記取橫塘路傳語平安慰老人

公取道吳門許訪家嚴諾舊

小峴少寇

子告歸里以詩寄懷次韻答之

鵝行零落白雲隈一棹梁溪指釣臺萬里獨遺懷舊賦三

春空負餞行杯鶯花歷亂湖邊宅烟月頽唐嶺上梅我有

愁心勞陟岵把君詩句日低徊來詩有去調詩翁真咫尺聽鐘樓畔許徘徊之句

錢裴山同年

內擢司農旋奉暫權豫撫之

命即次見懷韻

歸

朝訝許着鞭先中道遲回借冠年一紙書傳江雁遠三刀
夢逐磨牛牽通材終讓裴寬席素志還盟吳隱泉最羨萊
衣迎日下藍輿親奉得安便

次韻答湯希山塾師

鸞棲枳棘髻添絲靜夜吟聲出戶遲求我童蒙猶樹木
君粗糲只烹葵羣空冀北誰為顧賦就河東尚待吹愁絕
三年韜晦處多應廢讀蓼莪詩

卷十二

喜伊大墨卿至次韻答二首

三

邗溝別後路分歧一笑鬚眉認舊時歷郡無慚循吏傳名
山不錄女郎詩年過五十思聞過君言近頗喜聞已過花對重陽可
療飢頗憶同為香案吏謫居那更慕微之

兒童猶頌麥雙歧想見當年為政時往事休提空破膽舊
游每到輒題詩斬鯨稍雪鮫人淚佩犢堪憐季女飢亟欲
問君商治譜他年乞郡更何之

書墨卿秋水圖卷後

喬木百年計荒莊五畝池伊人宛在水逝者只如斯絕業
名山得秋心老鶴知難忘小林屋還讀竟何時

九日偕墨卿登粵秀山次壁間曾賓谷方伯韻

飛檐懸古堞拍座海光開佛度明秋影人聲動晚雷參軍

遷故態竊帝笑粗才二十年彈指鴻泥又此臺自乾隆辛亥到此閱年矣

自題聽雨第三圖 并引

嘉慶己巳三月聽雨第三圖成方歲戊午家大人就養京邸予兄弟環聚一室周嬾漁為寫聽雨第二圖都人士題咏甚夥不亞第一圖越明年己未十二月二十四日七弟輔唐生武林王九見大適在座予意欲補作第三圖而初不知見大之能畫也後十年遇見大於羊城話舊之餘忽忽若失見大乃慨然許成吾志夫一藝事耳必遲之又久待其人而後成且必待見而知之之人此亦有數焉存乎其間况兄弟聚散之緣之以天合者乎因思先夫父集中有聽子讀書五言古一章意大人初就傳時作詞旨深遠洵足垂裕後昆謹依韻為之以勵友于而緬遺訓我兄弟但永守此意則雨聲琅琅然雖百世後猶若或聽之可不謂源遠而流長乎

卷十二

四

骨肉難久聚惻惻感時節從來老大悲早自孩童決我前惟一兄一燈資誦說弱冠憐分飛辛苦耕以舌我後肩踏四雁繩中斷截三弟末期而殤四弟年十六而夭存者苦參差未及相廟切五弟少子七歲六弟少子十歲皆未及同塾情隨婚宦遷力各士農竭每當風雨夜獨聽增騷屑何期小鳳雛尤動左師悅頎然氣食牛必可光前烈莫欺韋元將老蚌明珠結我友武林生英物識瓌譎雨聲堪續連畫意非剽竊因循十年後乃竟成

三絕小閣切雲開天風吹石裂中有五丈夫雜坐簾半揭
人生離合端何者非假設豈必富才調學機雲軾轍記取
此韻長聞根終夜徹相好無相尤百世免傾跌

自題種梅圖雙影六首

兒時讀畢韜文女史且攜雅
嘗種梅花句愛其清遠閑曠

屬袁子二峯
仿其意作圖

且攜雅嘴種梅花占取春光第一家婦解澆泉兒負土冷
雲殘雪足生涯

且攜雅嘴種梅花縞袂青裙月影斜却笑西湖窮處士呼
梅作婦鶴為娃

且攜雅嘴種梅花花有靈根玉有芽待看千株萬株雪可
憐桃杏委泥沙

且攜雅嘴種梅花雞犬圖書着處家較可長鑱走同谷歸
來四壁但嗟呀

卷十

五

且攜雅嘴種梅花回首故園天一涯可惜拋荒種梅手却
來南海種桑麻

且攜雅嘴種梅花着子他年願不賒畢竟酸寒徹詩骨使
君風味絕堪誇

題蔡鐵梅表弟度嶺歸鞍圖二首

卅年浪跡愁無限一騎還鄉夢亦安試問梅花嶺上客來
何容易去何難

說着吳雲淚欲潛倚閨人久髻成斑歸鞍駝得妻孥去博
取含飴一破顏

題畢蓉菴表弟打包僧照

一鉢走天下飄然雲水姿佛原即心是僧可在家為慧業

三生富長身七尺支云何縛禪寂聊欲戒嗔癡
題顧執齋表姪載鶴探梅圖四首
一葉舟輕一鶴孤仙胎詩骨兩清癯春寒爾許緣何事數
點天心辨有無

渡江消息費疑猜到處殷勤問訊來恰似琴心正三疊不
逢仙客不須開
襟被梅花嶺外州吏情多半在滄洲他年官閣題詩處五
斗還應為鶴謀
親知天畔鎮相隨鄉信憑誰健步移我亦新添種梅癖期
君一訪月明時

題鏘如吳壻秋鐙佐讀圖

我生犯孤辰兒女各抱一慰情良勝無恩愛等腹出兒劣

卷上

六

可奈何女慧頗秀特紉鍼力所餘孝經與內則口授長慶
詩背誦聲擊節更喜得佳壻不忍使離側高衙潭潭居甥
館極偏反青箱夙好敦肯以牀第奪夜雨熒秋鐙畏友在
閨闈使我老兩口中夜喜不息書聲雜剪聲卧聽一板隔
三年雙鳳雛可念肌玉雪無災到公卿定可相我宅非曰
誇門楣畫圖乃紀實豈無高明家絳蠟燒殘夕堂前美夫
妻堂下絲管咽何如圖中人相對一燈剔詩書一旅亭歲
月去飄忽飛騰自他年安能窮兀兀慎勿忘此圖短檠牆
角擲

題鏘如聞雞起舞圖

祖生中夜蹴現起喔喔荒雞亂村尾安能僵卧黃綢底昂
藏七尺何所為顧影燈前自矜喜蓋世勛名從茲始士稚

本是人中龍先鞭一着誰相從指揮已落勒虎膽伯仲堪
婉温陶功君今二十昌且丰枕經靡史研三冬清才肯作
司州簿奮志欲登蓬萊宮何有塊壘藏其胸夜半不眠愁
萬重就中背立者誰子是現是迹憑比擬借景生情聊爾
爾夜氣一息千年強徒分舜跖爭微茫此非惡聲君聽將
小春九日同曾賓谷方伯陳望坡廉訪趙雍伯都轉
楊星園觀察餞飲伊墨卿於粵秀禪房之山響樓疊
前韻

冬日爰州暖賓筵傑閣開琴心自終古山響誤聞雷

山響樓為

家大人廿年前聽林哲侯彈琴處因以顏額初地無凡眼羣公有異才因君重
離別一月一登臺

與諸君同憩山麓三元宮遂與墨卿作別壁間有

家大人贈道士黎見中詩敬次二首

卷十一

七

小院依偏麓殘陽柱瘦藤林深香細細天遠塔層層又踏
鴻泥去終看虎氣騰朝

天此路近引領日初昇

巖君舊題處巒壁挂溪藤羽化人千古

見中時已物故

紗籠影一

層鳥驚松子落茶沸鼎烟騰徒倚忘歸去前山月已昇

題黃香涇畫石榴

分序

先高祖貞文先生以錢叔寶所畫石榴賀哲弟誦
先先生之婚誦先子慕廬宗伯又以之賀顧俠君
先生之婚予娶於顧實俠君先生之從曾孫女也
又以之為匱具而物歸原主矣諸前輩題咏殆滿
予寶之不輕示人黃香涇孝廉偶一借觀輒臨是

本見遺神韻逼肖贅婿吳郎禮成遂以授之為門
楣佳話云

百兩車裝十斛珠吾家故物又歸吾好將冰玉傳衣鉢多
子親描第二圖

題僕人戴勝聽鸚圖照二首

并引

戴勝事我三十年心無外慕甘苦同之其陶之摩
訶杜之信行平乞題此圖詩以勞之

春風柑酒博微醺三十年來老信行記否駝包夾墊日建
章官畔聽流鶯

紅樹金衣夢不迷可知擇木得幽栖綿蠻慎爾如簧舌肯
傍他人門戶啼

次韻墨卿寄懷二首

卷十三

八

別久書頻及思深句轉道聲華今漸沒氣誼昔同遊雨暗
汀州草潮添瘴海流因君念諸子比者亦悠悠

五年高卧薜蘿寒棋局閒從冷眼看珍重大雲將作雨出
山較比在山難

題朱姬念佛圖

非優婆夷非鳩摩什手持百八一心念佛未能轉佛從佛
轉蔗境回甘此消遣喚玉局夢可以醒聽香山詩母乃淺
次韻墨卿歸舟望羅浮及重遊豐湖二首

千里珠江訪桂舲依然落落似晨星遙知別淚縈雙眼特
為羅浮一放青

豐湖無恙重揚舲前度劉郎髩已星只有朝雲墓前草一
回憑弔一回青

次韻墨卿龍川道中寄余兄弟之作

跨鶴歸來不改貧言尋舊雨證前因已看衰鬢成今我容
易留心到古人來書屢以
古人相勗四海弟兄知已淚一肩書劍宰
官身固應秋水園無恙差免元規汗我塵

喜黃香涇孝廉至為範兒授經敬次家大人送別

詩韻二首

靜者心多妙誰知氣食牛不嫌桃李陋竟作海山遊識字
談何易成人慎厥脩春風逗白日喜及片帆收君到在前
春十日前
回首春明別投荒路八千公車十年夢鄉思五湖天蜃市
看多幻鱸堂話近禪爻方要冰雪且莫問鳴鶻

哭所瞻弟六十韻

嘉慶十六年臘月二十日中丞錢公書啟讀驚且怛謂汝

卷十二

九

忽然病謂汝忽然歿汝歿是何時何時邁何疾其然豈其
然反覆滋恍惚越四日戊辰家郵述詳悉嗚呼信然矣放
聲一慟絕一官萬山中形影對孤孑妻孥寄皖城十口風
雪隔汝死無棺衾汝病無參朮賴有總服弟光挈汝弱小

息兼程奔赴之一身兼僕役停屍四晝夜棺殮事粗畢弟

於十一月初七日丑時十一日巳時成殮念汝何所為戀此微末秩名利兩何

成畢命窮谷僻前月汝書來千言極瑣屑奉差新安郡移
佐池陽邑上官意良厚未可便辭得捧檄竟獨往留家免
跋涉阿第三三十七春婚期亦已逼幼者未可保大者且成

立明年決歸養雞肋棄何惜吾言計良是此志宜早決

老人望八年倚閭豈不切長兄盲於目五弟病存骨七弟
尚垂髫童獸無所識而我受

主知封圻有專責耿耿抱烏私焉敢遽陳乞生兒亦何益
定省且莫說奈何瑣瑣事尚聽雜亂聒汝能體此意如我
常在膝此書汝見否恐汝笈已易見汝戊午秋別汝楓香
驛追我三百里聯我牀兩夕廣韻詩滿牆分襟淚沾臆寧
知此一時即便成永訣前年吾奉

命祝

釐許赴

闕道出灑霍間謂必相迎謁會汝報秩滿先鼓秦淮楫寓
書付館人一紙情萬疊使我數日惡山川魂夢越平生幾
相見宦跡判楚粵生別已吞聲况乃成死別聽雨第三圖
那忍更展閱人願天靳之五人已缺一近寫聽雨第三圖
兄第五人俱列坐
其四人各瘦生偉岸數汝特弱者苦支離强者竟摧折汝

卷十二

十

志賚未展汝才頗奇逸當時少年場橫掃筆陣突一揮盡
百紙落墨氣鬱律浮沉京兆試五戰而五北棄去豈得已
數奇乃改轍可憐擊柝吟弟所著有
擊柝吟讀者為嗚咽能讀父
書否寄聲問孤姪天道豈無知願言守清白哀哀雲中雁
隻影痛折翼陟彼粵秀山臨風一奠醞魂來其不來落日
林昏黑猶恐傷 父心家問弗敢泄和淚成誅詞中夜腸
寸裂

敬次

家大人羅浮藤杖歌韻

杖為三元官楊
道士輝石寄贈

何來龍子騰空中左股夜失蓬萊宮道人赤手獨捕得電
蛇破壁驚兒童五千里外不脛走壽我堂前八十翁吾翁
腰腳正強健但愛蠟屐羞扶筇憶昨紫萸九日賞驚看黃
鶴三霄冲紫萸攜蠟屐黃鶴度元關
家大人庚戌九日
登三元官贈黎見中道士句也黎師已化去輝

石係其高弟 雲中眷屬叫雞犬階下兒孫長揮龍令威一去呼
不返廿年爐火霏殘紅弟子長依白茆屋我來獨弔松壇
風白雲子舍渺何許况復零落天邊鴻近得舍弟所贖之計安得撰
杖嶺海東春風日日陪遊蹤五尺枯藤萬年壽杖名萬年藤輕
身不數丹砂功

辛未除夕次香涇韻二首

旅雁無端悵失羣

近遭六合之喪

強顏諧笑漫云云萬千塵劫

消今夕九十春光透一分

前九日立春

無賴蠻花開拉雜

時梅桂同

開有餘農粟勞辛勤尋常書債能粗了飽醮松烟潑翰雲
無雙妙譽本空羣降格相從我意云輒脚酒還餘蠟味課
兒功要到宵分酬勞絕少詩堪祭補拙難期政克勤惟有
葵心向陽切心香一炷上瞻雲時將秩滿請

卷十二

二

次韻香涇守歲

雙籤斜裏印牀紅又報春回陌上風民有探丸愁水懦時盜不靖
倉無積穀願鄰豐粵東產穀既少倉貯久虛全藉鄰封採買金雞聲動林
鴉散石火光催蠟炬融檢點曾無毫髮補蹉跎身世百年

壬申

次韻香涇壬申元旦

御爐香裊殿中央誰道朝

天各一方海外衣冠齊上國客中兒女拜公堂說經重席

誰堪奪

謂香涇

投刺盈門為底忙却愛輕陰釀膏雨年書大

有兆嘉祥

高州梁孝廉伯昌和予度嶺詩寄懷答和三首

觀文又親歲華新海上雲霞繪早春所願登臺皆赤子共
瞻守日有黃人士羞干謁貧而樂來書自言於地吏戒誅
求分乃循萬里炎荒吾道在尋思何以報

君親

未許清時賦考槃修辭已信不容判如蘭臭味同心印大
海波瀾放眼觀便腹但含經史足公車休歎影形單鯤鵬
自有圖南志拭目雲程九萬看

主恩持節許重來彈指流光駒隙催伊昔將車捧雙杖至
今陟屺抱餘哀壬子冬奉太夫人諱去郡三年父老桐鄉愛幾輩生

徒絳帳開為問孝廉船好在何當同載訪珠臺高屬羅江中有驪珠臺

賀菊溪制軍得子敬次 家大人韻

英物從來誕育避嘉名

帝錫壽維祺御賜名札拉芬取壽考之義人間忠孝綿陰德天上麒麟

挺異姿河海即今全受約熊羆乃夢果無疑白頭親送懷
中簡印綬重重不蔡知

題曾奕山畫史自寫坦腹禪影

說法還他現在身此中空洞了無塵猿聲龍鳳看平等何

止容君數十人

隻履飄然跨海涯鐵門踏破衆爭誇須知妙相原無相多

事三毫頰上加

題倪拙髯參軍松間瞑坐圖

長松千尺拔地起落落蒼髯古君子下有絕倫逸羣姿雙
髯相暎成兩美髯翁老作諸侯客西海從戎盾磨墨歸來

絕口不言功，絆驥鹽車不得息。問髯此中亦何有，髯言只可飲醇酒。掀髯試作鸞鳳鳴，雲影濤聲吞八九。我與髯交非旦暮，兩番離合他山助。髯參軍，耶短主簿，未肯令公作喜怒。何當騎鹿空山中，採芝長嘯東園公。芝鹿皆圖中景只恐人間要梁棟，材大豈必難為用。髯乎髯乎，莫違衆。

雨中戲題桃花楊柳便面次香涇韻

春來日日鶉鴉聲，懊惱春光不放明。驀見如腰復如面，便應傾國更傾城。

題沈小臞種竹圖三首

千萬琅玕碧玉脩，席門茆屋對溪流。吾家寒碧依稀似，把臂能來沈隱侯。

添箇蒼髯叟一株，天心數點冷雲孤。歲寒珍重期三友，可使此君一日無。

卷十二

十三

梅稱鍊骨堪同調，竹解虛心亦我師。我學種梅君種竹，清寒臭味兩心知。

題香涇立夏日寫生七品

嫩穠香苞萬玉攢，經旬無肉為加餐。季鷹艷說吳中味，欠與蓴鱸一例看。笋

花中刑尹香中祖，呼蕙呼蘭品自高。拈出一枝脂粉外，伴人終日讀離騷。蕙

也向美人頭上開，未容末麗比玫瑰。何當干日成家釀，醉

倒東風紫玉杯。玫瑰

月圓月缺與盈虧，淡淡紅妝淺淺眉。結得嬋娟十姊妹，要

將顏色笑西施。薔薇

白花翠莢殼微黃顆顆珠含玉露漿正是春鷺時節近煮
成合薦馬頭娘鷺豆

熟梅天氣雨肥殘恰似詩人一味酸自笑齒牙搖落甚說
來與餅畫中看梅子

黃蕉丹荔送春風不見歌脣一點紅輸與題詩西蜀客嘗
新分得野人籠櫻桃

題香涇畫三首

漫把扶桑誤佛桑燒空絕艷鬪紅妝朝朝暮暮從開落天
女何曾着梵王佛桑

貝多羅種來西域優鉢曇兼蒼蘄蔔香昨夜無端動鄉夢虎
邱山上玉蘭房貝多羅

卅年兩度嶺南遊頗識傾城此物尤最喜清時無一騎織

塵不動曲江頭荔支

卷十一

十四

題伊節母瞽目重明卷後

冰霜不為松筠作松筠不避冰霜虐苦節茹苦苦不知苦
中之甘焉所期石泐金消志無轉坤維盡處天心顯日月
之道貞而明君不見七旬雙瞽還青睛

香涇畫秋花秋葉扇

春花不及秋花艷畫葉比于畫卉難珍重黃金冰雪手清
芬一握袖中看

又題香涇畫荔支二首

曾識楓亭十八娘方紅陳紫漫評量平生口福偏僥倖作
吏閩鄉更粵鄉

日劈輕輕紅三百顆可能移種到江南不如索向黃荃手萬

本傳觀萬口甘

題蔡凌庵封翁峽山觀瀑圖二首

從遊捧杖廿年前直上晴嵐積雪邊廿年前侍家大人遊此管領今

來香案吏令嗣夢麟以翰林出宰斯邑逍遙又見地行仙蒼顏白髮與

山壽布襪青鞵非世緣清白相期如此水心源滴滴是廉

泉

峽山峰峻穿雲生峽山之瀑未擅名少霞仙人特孰賞二

禺應為山靈縈雷霆冰雪幻不窮千形億貌由化工登山

不具慧眼看勝境毋乃凡區同吾聞匡廬之瀑九十九天

下名山實希有牧豎樵夫亦慣經未必水簾懷谷口因知

胸次藏邱壑見仁見知隨心樂寺可飛來瀑亦奇峽山不

以匡廬弱歸猿洞口猿不啼懸流千尺拖素霓羨翁身入

卷十一

一五

畫圖裏洗眼洗耳煙雲碾

次韻伊墨卿甘竹登舟見寄

桑榆收亦得斯道晚能聞來書中語未就買山計依然出岫雲

艱難鴻雁食浩蕩白鷗羣甘竹灘邊路孤篷最憶君

次韻墨卿南昌贈陳笠帆方伯之作即簡笠帆

節轉旬宣水一方十年不見感離腸能來舊雨還如約奉

扇仁風到此疆滕閣煙霞收指掌雲亭花月歎顏唐余三人皆

舊雨雲亭多君先下陳蕃榻擬趁屠蘇最後嘗余于履盡亦將北行

次韻墨卿望匡廬不得登

聞道匡廬勝橫空一氣融知君吟望處終日畫圖中奇福

幾人有名山與世公何當同倚棹細數九屏風

芭蕉扇

何以驅炎熱秋心一葉擎清風隨手出明月自天成製謝
羅紋賦揮兼毛羽輕年年取攜便素質故堅貞

香涇墨蘭

色香亦云空着墨無多子相對寂不言同心正如此

吳若餘同學

紹曾

移居平橋用東坡先生臨皋亭韻

見寄次韻答之

我生無住着蹤跡牛盤磨落落數窮交茫茫大江左善愁
有吳質骨立例寒餓老屋支三間面壁眠生坐狂詞鬼神
驚健筆雷霆過此屋值幾何腰間餘幾箇舍舊謀其新琴
書一僕馱風雨平橋秋高吟鄰夢破作書報故人那作鶯
遷賀若餘得甘來善禱語合此

又和一律

卷十一

十一

橋平街直卜幽居家具蕭然不滿車茅屋秋風歌廣厦藜
床白日夢華胥高設千古以來事補讀三生未見書此樂
莫令兒輩覺道芽長及二毛初

又和若餘得孫示兒媳詩

雅羨呼翁願已符寧言味齋尚如茶芝生春日珍龍御花
讓人間重鼠姑三世已看綿舊澤一經畢竟是良圖膝前
吾愧為人子不敢因君泣向隅

送鄭漁帆

心一

司馬謝病還吳用杜少陵送孔巢父

韻

司馬欲行且復住花田離席花如霧棧豆誤落驂驢腸枳
棘寧為鸞鳳樹太湖連天莫釐高吐納雲煙自朝暮當時
管領足豪宕歸去依然是來路來何飄颻去何疾肯向人

前道其故十年磨盡圭角無一語不合肝膽露間官進退
綽有餘長揖告別登階除賃春儘有伯通廡種菊還鈔笠
澤書君不見卷地交風炙手熱孤舟天際涼何如

雲溪從孫 三泰 登岱圖

孔子人中之泰山泰山山中之孔子巍巍雙絕絕荒大東前
無模範後無擬誰其登者小天下孟氏子言觀止此世儒
局轅守蓬戶俗吏鞅掌溷塵軌汝獨飄然負逸才聞雞中
夜忽起起遊聖人門偕聖裔同遊孔峻峯翠南如此同
遊更誰似圖中三人約畧是金簡玉書探厥旨三更扶桑
見浴日一片滄溟蕩紅紫歸來誇向諸昆弟奇絕平生愕
不已茫茫東海去不還羲和挾策跳雙丸點烟杯水哀人
間可知白馬觀吳天同登只許後死顏仰之彌高鑽彌堅
舉頭卓立當我前汝今三十方奇權騰驤萬里無停鞭吾
家雲峯東南偏繩其祖武在後賢止不吾止進吾往安知
所造非極顛山靈與汝俱千年

景儀 奉親之南汝光道任二首

驪歌無計重攀轅借寇匆匆半載論見除日後以廣州事

去委婉功名館閣舊君由學士出守六年始轉一階公廉治行治弓存

奪帷部按南光汝列戟門誇祖父孫三世皆官監司問訊中州春

雨未哀鴻銜鹿待君温豫境去歲甚旱

争看豸服煥萊裾鶴髮蕭然鶴不如豈謂藍輿吟賞地還

尋繡祿誕生初尊甫曼亭文生於申陽官署藏春塢在光州治愛趨庭日繩

武碑摹墮淚餘好去雙旌朝

關罷口銜

天語問安居時將入觀

雲客見和疊韻答之

六年三度數輪轅已作飛鴻踏雪論余自辛酉至丙寅凡三過申陽過必有詩

謹厚一門傳自久謳歌歷郡聽猶存君歷守粵東西諸郡所至有聲新秋

嶽色開淮蔡舊部棠陰憩子孫辛苦此心同飲蘓詩盟他

日與重溫君詩有飲蘓依然芥有孫之句

珠江鏡鼓促分裾遮道兒童各悵如孝理歡承馨膳夕和

衷代計及爪初輕裝刺與琴同載短幹從知腹有餘君軀甚富

可念炎荒猶伏莽憑留治譜奠民居

立秋前一日同蔣礪堂使鉅制府餞吳巢松慈鶴太

史於粵秀山之山響樓仍用壁間曾賓谷方伯韻賦

別兼呈尊甫曇繡山長三首

卷十二

十一

離筵秋氣入禪榻曙光開海湧樓前日雲屯杖底雷窮荒

誰健者館閣遲清才明日看帆影那堪更倚臺

幾日成歡會愔然一櫂開行當擊鷹隼句尚挾風雷承贈長句

詞極雄拔親串難分手猺獠解愛才何年勒碑到重上此高臺

君詩有他年倘再勒碑到之句

問訊紫陽老春風絳帳開孤筇似龍馬大筆走霆雷膝上

聯吟草天邊撒炬才相期櫻筍節樽酒酌蘇臺余擬明春入觀後

乞假歸省把晤當在清和月矣

喜查花儂公子至次韻答贈二首

三年別思五雲溪佳士人間孰品題古調獨彈厭箏笛清

心相映澈頗黎憐君腰學陶潛折老我頭逢東野低却笑

監河羞遊甚尚能脫粟配羹藜君到之明日以米酒蔬菜奉餉

使君有客漫相猜巨甕黃封特為開光怪物宜酬烈士

詩來

有劍贈窮工天不負詩才人情變幻逾淮橘信使迢遙過

嶺梅寄語堂前八旬叟開春我及捧觴來

尊甫梅觴大明年八十壽詩對

亦將北

以酒餽花儂而得其詩次韻答之用廣其意

多君貴公子萬戶輕千首我忘廿年長晚訂素心友積想

逾三秋笑把修月手槎枒鬱肝肺挑戰先以酒小試淵明

巾大嚼太白斗頃刻芒角生躍出不肯後味之愈洒然清

黍間陳醜蕭條古寺中敗壁竄鼠婦誰歟軒車來坦率問

宋某寧知是腰腹光怪無不有奈何鸞鷲姿而作牛馬走

此來亦何事此意羞出口豈無平生歡推解意良厚弭耳

未肯爭儼然喪家狗郵救庾郎貧飽咬廿七韭興來不暇

懶得酒尚抖擻執冰難語蟲一足笑駢拇詩虎必酒龍占

絕二美偶半刺何足榮况乃需次久因循守兔株蹭蹬待

魚筍甘與俗吏伍毋乃斯文毆旁人為嗟歎君笑曰否否

沉酣聊自怡窮薄又誰咎揚鱗且飲斯安用多言剖

題花儂詩卷後即送北歸兼呈尊甫梅觴廷尉

萬里何為者堂前望八親有方輕嶺海無食且風塵名士

定何物詩人不厭貧好攜紀行草早慰倚閭人

宋于庭孝廉自洪州以詩寄懷次韻却寄

秋香欲滿珠江月我所思兮海天濶兩番書札千疊心欲

讀遲回不忍發七字哦成冰雪清寸鱗飛逐珊瑚沒高峯

氣味沈鮑思疾風雷雨卷皂旗遙知醉卧九江上玉塵亂

拂天戈麾杜鵑血盡婁妃墓野草煙荒薦福碑筆花冷落

江郎夢旅食誰憐回也空賢侯持節鎮雄藩別館停驂導
前從李御龍門聲價增董帷虎繡斯文重故人得得來羊
何說經論史衰益多謂查花儂別駕三日固應刮目待分陰肯放
剝邨過怪底古光發瑤瑟羞描新樣浮綠蛾忽憶公車滯
京國春風淚滴桑乾河同心只數黃叔度來詩兼及昏涇孝廉愛而
不見空吟哦何當縮地客星聚嗚呼吾意其蹉跎

顧蘅汴

遠承

貳尹讀書秋樹根圖

時方從事幕府

我讀少陵句掩卷歎且想秋得氣之清讀者契真賞老樹
無雜陰百蟲助幽響乾坤入方寸萬象洗糞壤古人至今
存與我獨來往此樂幾人有婚宦悞塵鞅君今方壯盛仕
優業益廣縹緗萬卷俱松桂十年長丞哉不負渠但聽哦
聲朗我慙屈宋倚見獵技猶痒高齋敬還讀余所居名秋
意送森爽有願作蠹魚文字恣肝蠻

卷十一

十一

九日武林周南卿

三爽

茂才以近作錄示即次見贈

韻答之

才名滿耳壓吳蠻舊是龍門玉笋班君出芝軒少宰門下潦倒一衿
浮大海登臨九日憶家山了無白酒澆詩瘦賸對黃花照
髻斑亦有西湖好風月評量玉尺待君頒已訂分校循州試卷

湯雨生騎尉秋江罷釣圖二首

吏情多半屬滄洲入手絲綸邨便投自信扁舟原不繫從
來大釣本無鈞熊羆夢冷磻溪石星宿光寒富渚裘萬里
長風胸次在年時忍負舊盟鷗

回首邦江片月殘蠻烟蠻雨赴迷漫印將鴻雪凌三島掣
向鯨波賸一竿人道李曹皆畫史我慙屈宋作衙官兩生諫吾

標袴鞞帕首儕行隊猶是偏裨一例看

江城湄蓀沈丈以十二峯草閣圖卷寄哲嗣伯棠粵中 家大人為之贊敬題長句其後

吾聞石壽由中剛受體于良止有常亦如丈人老倔強不肯與世為低昂怪底古人有奇癖紛紛刻鑿品甲乙此膝有時為石屈笑問一生幾編屐楚弓得失亦偶然傾身障麓何沒沒端介之資冰玉質幾經砥礪廉隅立丈人豈遂為物役真賞不以三公易江邨草閣深雲煙一十二峯几案前補隙似倩女媧鍊移根不待秦人鞭爐香曉分增媚媼詩骨秋立同奇權幅巾鳩杖真神仙枯樹老屋枕清泉此圖此像并此石精靈與丈俱千年吾翁事丈如事兄三十二字鐵鑄成垂虹一水接寶帶往來二老尋鷗盟交如石堅五十載其言質實非世情有子饑驅輕萬里筆畊區區營甘旨堅持清白綿家聲不怕磨磷溷塵軌望雲心事我與爾畫裏容顏手跡是卷圖亟趁松江水捧杖將車從茲始

香涇表姪去秋應聘來粵授

範兒

經甫一年將挈其

徒歸里而

對

以請 覲之期有

旨緩待明春尚留

嶺嶠即次留別元韻題其所寫衝寒度嶺圖送行四

首

反哺烏應戀舊枝因循孤負北山移青紅海蜃無中有風雨羅浮合便離一劍往來君獨健全家歸去我偏遲望雲心事憑渠說先報平安慰所思

去歲茲晨浣客衣未應此席暖還非高齋長日冰壺淨短

塵清風玉屑飛頗許麤材參大雅劇憐稚子故癡肥童蒙
求是終身計端仗針車載與歸

詔許朝

天待十旬傾陽葵藿願終伸五年漫試屠鯨手七尺空慚
報

主身東閣但添新嘯咏南枝重發小陽春丹梯翠棧來時
路羨煞歸鞭畫裏人

半百年華髻各霜神仙事渺石成羊經幃人去春風在藝
圃秋深晚節香浦少還珠艱雁食野多伏莽逞蜂狂時土盜未

靖
遲回衮職曾何補願借臨歧錦一囊

次花儂去廣州留別詩韻三首

凌雲夢筆寫新宮飄泊依然萬里蓬吏議似聞逐客令江

卷上

五

程難借石尤風縱教文就南豐讀頗為曾賓谷方伯識賞不奈詩鳴

東野窮指點羅浮兩峯在合何草草別菱菱

骨相何曾俗吏宜顛銜顛倒竟如斯鄰枝才是凶年玉邢

尹裝非廣額眉漸覺壯心隨日短尚餘結習等兒癡背城

待借秋風一變化鯤鵬未有涯

秋來別緒慣相仍七月前送吳巢松還吳酒盡沙頭僮僕憎橘柚煙

寒人去獨芙蓉江冷雁來曾新詩瘦壓船身重短劍雄開

嶺色疑記取琵琶避隣舫無多紅淚濕青燈

以研贈花儂承作歌報謝次韻却寄

花儂家少負郭田山水文字相因緣一雙芒屨踏欲穿夢

割南天半天紫十夫持鋤九夫死世俗未見食以耳硜硜

吾性耽石交竭來得雋如拔茅明珠豈肯向暗拋平生遇

物無所住以身障麓毋乃痼憑人擊碎珊瑚樹探幽破險
非匆匆眼明鷓鴣爪印鴻洞雲柵遍東西中真賞幸逢青
眼客持贈還將一片石免使匹夫罪懷璧品題忽來絕妙
詞七字奇崛光陸離投桃報瓊非敢期吁嗟乎如君豈合
長貧賤骨重神寒如此研青花藻耀騰波見他年勒碑倘
重來休教妙質埋雲雷鐵網搜盡琳腴材

錢裴山中丞輓詞三十韻

天意誠難問斯人中道徂蓋棺伸定論賈志愴長吁標格
真威鳳聲名舊汗駒孟隣三徙宅韋幔五經郭舉首驥龍
虎簪毫逼斗樞星辰方北拱羽翮又南圖開府臨容管移
轅洎楚吳

高深艱報答盤錯慎許謨仁恕千家頌平反一飯娛掄才

卷十一

十一

收大匠律已儼寒儒每聽人傳說遙憐貌益癯匪躬何蹇
蹇盡瘁只區區五十才中歲衰頹異壯夫愁多髭早白力
盡血為枯春戀留遺表憂勤殉此軀招魂惟老母為後撫
他雞栢賈應堪付筇枝倩孰扶卅年兄弟友一第後先俱

丁酉與對同膺拔萃癸卯又與家兄同登賢書

結契均膠漆忘形到爾吾官階略

相似趣尚不齟齬嶺劃東西界流分江海趨但嗟離別久
不道死生殊髻鬢交遊盡乾坤氣誼孤浮生邇道岸何日
拔迷途雲冷驚鴻斷庭空止鵬呼現身原電露弱質况樗
蒲洗眼數行淚傷心九月萸銘旌風慘澹皖水路盤紆更
憶山陽笛空悲城上烏令名知不朽貞石比璠璵

十月十三日五鼓祭南海神禮畢遂登浴日亭追次

東坡先生韻

歲修祀典小陽天晚泊風湍黃木灣
五夜影沉亭上日幾年身到海邊
山清時鯨鱷歸元化古廟杉松有
道顏但抱傾陽心未已乘槎直上
斗牛間

十月廿八日

內子

率範兒

歸省且為授室以詩敘別

兼示範兒三首

亦知不久別臨別亂愁侵留滯憐
予獨艱辛累爾深豈真供子職稍
可慰親心不盡晨昏慕低徊陟岵
吟

伊昔居貧慣相偕欲白頭早哀常
畏冷善病願忘憂甘旨

隨宜具錢刀非我謀壽山灣

先慈壠在焉

好在鬱鬱長松楸

猶子堪為後恩原出腹同成人始
今日娶婦稱家風愧我難為子稱
耶又作翁此行仗慈母莫憚翼扶
功

海幢寺送眷舟旋吳與澄波上人
語舊誦予廿年前

和公聽琴之作復次前韻

卷十二

三

廿年前已交方外敢薄詩僧是么絃

劉夢得謂江右詩僧如么絃孤韻

與慈悲照離恨人將眷屬擬神仙
夢中佳境梁方熟天際歸舟帆正
懸儘許同參迦葉笑本來無著散
花天

香溼郵寄廣州解維後作次韻却
寄并示範兒

大匠儲細木巨海納百川可憐黃
口雛芟蘭何依緣問年過三五識
字未滿千豈期童豷性得遇陶冶
賢隔牆聽講畫兀兀方窮年志蓋
似稍吐脚根何由堅付君一頑石
殆將終身然喟予獨南留盡室且
北旋要期力耕獲沃瘠皆良田莫
教寸步離寢處共一船雞犬一放
柵鴻鵠已戾天行行望歸楫楚水
連吳烟

寄內

海幢寺下淚雙彈目極行雲思渺漫驟暖驟寒嶺北路愁
風愁雨顛南灘別才旬日書三達連得韶關以事有千頭
力獨殫老去夫妻似兄妹鄰堪天未雁行單

姪穀庭至粵賦贈三首

昔別咸陽市崢嶸十九秋魂招戎馬窟腰折斗筲謀百戰

身猶在終天恨不休荒原缺抔土急難此相投姪作簿紫陽縣屬之餘年不得調尋以父憂扶榭歸里貧無以葬遠來告急

吾宗羣季輩最覺仲容親童隊風簷夕京華旅食春事更

十年長姪長子十歲老博一官貧聚散如風雨相看意倍真

官舍如僧舍時眷屬已遣歸茫然擔笈過門原稱水冷客尚比山

多日暮苦寒奏天長勞者歌麥舟吾愧汝惆悵歲蹉跎

題沈小臞容膝圖小影

卷上

五

名秀才老賓容晚逃空虛負影隻立是身而外掃除一切
不言以言不物于物一飯不願餘跣跌便終夕州向此小
臞之所以為臞臞其貌而益豐其德也先生曰嘻子毋以
是沾沾者而求吾於形跡夫此特幻形耳其君形者早以
為冥冥之飛而翔乎千仞之末

又題十韻

一物本無有洒然四壁虛但求容膝地是處乃吾廬俯仰
乾坤大闢河故舊踈周旋惟我我寂滅會如如歸計慵彈
缺生涯且曳裾勾稽才不世坐嘯懶容予骯髒吟身在蕭
閒俗慮除巢枝聊自喜食薇不求餘顧影悲嘶日迴光返
照初頭顱有如此相賞竟誰與

劉生

名開字孟塗
江南桐城人

劉生來何方長揖登我堂故人陳笠查花宋于庭書來盛揄揚年華終賈少才力韓蘇當查書中語爽氣浮玉頰炯炯雙眸

光袖中出詩文崛鬱不可藏文成如翻水以氣為短長蕉蘭細抽剝波瀾浩汪洋頗出經世語脫略句與章倘令老

生見舌本為之強詩才更超越麗則宗三唐紫蘭秀空谷皓露含幽香有時放直幹天地爭低昂崩豁九霄霧倒落

千仞岡腹疑萬卷柱力可九鼎扛紛紛噉名子欺世目少睚虛聲借羔雁餒敗飽咬嘗蔓草莽荆棘顏波蕩濤瀧不

謂靡靡中獨矚治水航問源數星宿直到天河傍回視地上友無異羣吠龙君才誠卓犖君心何悲傷三十困一衿

飄泊潯陽江艱難博甘旨老母門前望彈鋏歌未就一刀橫海邦我久廢文字朱墨紛匆忙豈無唱酬侶百怪投雜

卷十

咙繁音傾衆耳箏琶間笙簧以此束高閣嬾惰逾星霜忽枉霞上作等閒起且僵初讀口詰屈蠶叢闢鴻荒再咏得針芥鉤餌中我腸始信故人言衆中有乘黃一泓古池水星斗中迴翔奇峯回秀姿四面來虛臆與君結交始何必多老蒼酒酣縱談論肝膽森劔鏃詩豈能窮人經史足糗糧君氣益就斂我心則已降今世無退之籍湜皆批糠知沿而不止嗚呼其可量

蓉塘表弟至粵賦贈兼懷霽堂兄

一衿潦倒跨南北八口伶俜忍凍饑擔笈從兄萬里外霽堂

遠戍西陲弟擔笈從之尋以赦歸儒冠悵爾少年時貧來慣作諸侯客老

去依然弟子師苦憶玉關生入後花溪霽堂所居歸隱髻如絲

再和坡公饋歲別歲守歲詩三首

歲事夫如何中饋每相佐今年別我歸官庖缺珍貨免聽
兒童喧始覺棟宇大簿書粗了餘日夕頽然卧梅花發雙
斗冷香暗浮座一編信手翻默默轉空磨不覺南州來彈
指五年過載詠坡僊詩還復此遙和

歲別常草草人別多遲遲如何珠江權一發不可追北風
吹歸心飛墮胥江涯家園好燈火到及椒花時何以寧胡
考飯白花豬肥未別亦何樂既別亦何悲非徒悲人別行
後與年辭經年又經歲髻髮邨不哀

初日照牙蠹齶齶翻龍蛇豈知窮簷苦欲詠逢周遮殺賊
固無限萌蘖將如何今年誅盜七百有奇而茅蕪未盡西鄰祭竈罷東市

驅儼譁昨夜巡城回街鼓方三過猶聞醉花艇蛋戶多狹
斜南海令近獲河下土倡薄懲之頽風將何挽退食嗟蹉跎坐鎮逾歲月

慚愧南人誇

卷十二

三十一

次韻答高州梁翠峯 伯昌 孝廉

記別高涼二十年最憐一士腹便便踰淮枳橘愁遷地失
水蛟龍嬾上天翠峯兩上公車即里居課讀無意進取客到乍傾千日酒禾

登欲問五羊仙棠陰慚愧桐鄉愛往事重提倍惘然

除夕次顧蓉塘表弟韻

往年兒女話依依此夕風光似覺非煮粥糧隨口數減圍
燈客較別家希酒逢顧渚如茶渴花到梁園作雪飛席間以鵝
鼓催花侑酒蓉塘竹林得無算爵梁生翠峯終席無酒最憶高堂相煥熱薦辛還著

老萊衣

癸酉

元日疊除夕韻

蔡心久向日邊依如願呼來未必非海上祥風吹欲遍春
前好雨見應希金銀氣色樓臺出天地生成燕雀飛一體
朝正無僻遠也露湛露點朝衣

立春後一日讌集再疊前韻酬蓉塘弟

一夜東風蕙草依等閒寒意減還非情親異域蘇程密交
憶貧時管鮑希絲筆昔干星象表花枝又逐羽觴飛

是夕仍舉

催花

君看黃木灣前柳已弄青青染客衣

元夕席上三疊前韻和蓉塘

尊疊坐擁燭光依蘭卜何心問是非半月春光晴有幾百
年親串聚來希銀花火樹知誰賞酒虎詩龍為爾飛客散
虛堂燈燼落頽然一榻卧和衣

從姪鵬九

萬里見和

四疊韻答之

卷十二

天

負笈憐渠千里依草元問字悟前非門前水豈因人熱絃
外音從知我希譜系百年均氣脈姓名他日兆騰飛刈葵
汲井成歡聚珍重青青一領衣

題毘陵李紹仔茂才

述來

珠江返櫂圖

書中極道

同地未謀面神交十載前每吟長吉句最憶仲文賢

錢丈曾思

君品請

欣賞無多日離愁又各天珠江流不盡送客自

年年

婺源江石生茂才

之紀

出所著白圭堂詩集並辱贈

古風三章次韻題後即以誌別

茫茫塵海中何處覓佳士孫陽今則無駿骨眼中是寧知
崑山姿韞匱耻銜美石生挺江南趣尚一何偉遐哉古為
徒含咀但經史與君初不識相去各千里同客五羊城咫尺

尺判疆理逢人問孔融高卧不一起幽蘭含素馨孤琴閉
清徵坐愁春水生會見歸帆駛及今失交臂後此得有幾
溯洄亟從之伊人在水涘

蘭苔巢翡翠碧海掣鯨鱣更標寒瘦姿踟步凌峭嶠要各
成一家秋雲相耀灼百世見苦心古人已如昨天漿自一
氣付與後人酌問津求真源立幹掃繁籜不意千明珠咳
吐君掌落誰其測沉湮空自觀斧鑿君心寂若無萬彙受
虛籥白圭有遺訓斯道守固恪

皎皎南豐公

謂賓谷方伯

開藩到爰海題襟館中客温段今且

倍求士不私家為國儲元愷說項口不離饗穆意無怠廣
庭植嘉樹倘許客同採不採庸何傷坐惜青紅改羈鴻色
淒涼瘦鶴骨磊嵬何以寫子心願言申攬菑珠江渺微波
欲渡還相待漢閣佇薦雄燕臺正拜隗

題徐醇夫

秉璋

孝廉武林歸櫂圖二首

醇夫自記先

三十年庚午春始奉母歸杭卜葬湖上之三台山窀
穸南安又復饑驅將母度嶺繪圖以識歲月且以冀
虞日永守先
廬為幸云

羈鳥戀舊林遊子思故邱故邱不可思風木淒以愁弱冠
背鄉井負薪海南州賢書登俊乂名聲動諸侯惻惻驚霜
露悠悠徂春秋幡然得初志命室同歸舟奉母扶父柩卜
葬湖西頭如何土未乾乃復事遠遊平生知己感去住可
自由

去去復去去奉母仍爰荒別君酒方傾見君髻未霜萱榮
萼同秀願言壽一觴回頭三台松別來幾許長翩彼前年
舟容齋錢江塘展圖起長歎遠宦天一方有母痛已矣有

父不遑將白雲渺吳會日夕遙相望惟烏知反哺惟獺知
祭鯉物性尚如此低徊愧人子

正月二十日始晴同人宴集

春來渾不覺今日始知春衆鳥弄新旭一尊歡故人庭除
自生意絲竹寫天真應識西疇好土膏動及辰

哀沙面

并引

正月二十一日夜四鼓沙面災天明始熄焚燒蛋
人寮數百椽男婦斃者數十口余哀之為作是詩

蚤人生長沙面居居人不許岸傍廬魚蝦作糧竹編屋穴
處不異獺與狙涵淹卵育日蕃衍居然比戶成邱墟人間
踏地出賦租不如蚤人浮空虛魚姊蜆妹十五六倚門一
笑人盡夫五陵少年遊俠客纏頭十萬輕如無西洋有草

卷二

三

凝如酥醉倒同入巫山隅花田花月珠江珠是中樂死忘
其軀夜半忽聞聲霍霍祝融憑威勢將作初驚照蟹春星
攢旋訝燎蚊夏電爍驪山諸姨爛紅裙井陘萬馬皆朱鞞
燧象突入吳軍奔驚鳥飛逐老瞞却是時月午潮正落遁
逃無路可着脚岸旁吏卒號且呀欲濟無梁空頸縮坐看
飛燼滿長空十里笙歌歸冥漠天明猶見落點殘檢點死
傷淚盈掬就中白面誰家郎殘縑裂素羅綺香子夜清歌
醉錦瑟五更枯骨橫劫場豈伊腥穢之氣觸上蒼故遣六
丁蕩滌懲輕狂哀哉蚤人何咎殃生亦地獄死火湯吾聞
火烈民畏或鮮死弗戢而焚終與德化妨一年羣盜誅七
百猛氣毋乃干天祥使者失職實致此哀哉蚤人何咎殃

次韻江石生留別即送北歸

正始誰標六代風，驚看穎脫出囊中。多應夢裏生花管，點盡人間有暈銅。三復已欽圭壁重，所著有白圭堂詩集一歡還共嶺雲空。春來底事輕離別，又向天涯數斷鴻。時熊聲谷太史劉孟塗茂才亦歸里

陳金門公子出示其尊人東浦方伯對廬書屋圖卷
湯題二首

三間屋對匡廬面，萬卷書藏石鏡春。太白不歸公擇老，清風占斷太邱陳。

湖山萬古一茅茨，合付龍文虎脊兒。怪底淵明挂懷抱，五男誰誦老夫詩。

二月七日飲朱茜邨貳尹祥金齋中牡丹花下
低頭終日薄書裏，舉頭忽覩童奴喜。曉光入戶香染衣，報

卷十一

三十一

是盆中花開矣。此花舊向花田種，匝月春光等閒送。扁舟載得艷無雙，富貴陡然來入夢。先生日食惟三韭，齋庖無肉亦無酒。破慳折柬為花忙，泥拔金釵謀諸婦。座列十一客，花開十一朵。一人對一花，相賞無相左。為問當年金帶圍，主客何如此繁夥。座中客豈無酒狂，醒亦能狂。誰似我，我歌花俳，佻我舞花姍。娜只恐封姨妬，汝傾城姿玉不堅。牢易飄墮，爰方四序訖。失均即今夾鍾月，仲春墻頭桃桂相鮮新。時桂桃同開况汝富貴但求早，致身轉眼繁華零。落落隨風塵，姚家魏家且莫病。好語東君解其柄，明朝火急開大瓶。更倩醇醪乞花命。

題俞咫園記室照

落落修髯喚欲磨，翩翩書記老猶能。與君南北東西路，同

還讀齋詩稿卷十三

癸酉

元和韓 對桂舫著

題梧亭石湖歸釣圖四首

石湖歸釣圖四首

越城西去草如煙十里平湖水接天但得一竿常在手蘆
花深處儘安眠

幾年冷落舊鷗盟負米天涯萬里輕為問離支三百顆何
如餽菜小入羹

定是前身范成大兼同癖嗜趙凡夫獲邨未必端溪遜炎
海珊瑚釣得無

梧亭有研癖

我亦長懷沙上雛已營一舸載妻孥得魚同潔陔南膳漁
弟漁兄老石湖

輓金蘭畦尚書

卷七

聞道西河痛喪明誰知梁木竟同傾令嗣載園舍人半月前辭世臯蘇
才望台衡重羊杜風流江漢清晚節逃禪餘白業公晚歲精通禪

理 蹇躬酬國矢丹誠飾終

優詔紆

天眷猶傍星辰聽履聲

卅載盟堅金石期平生直諒友兼師殿廬襟被論心夕膝
閣尊疊惜別時每以死生爭出入須知明慎本祥慈

每歲秋缺

必折衷 淒風腸斷山陽遂翻羨重泉聚故知

錢裴山中丞即楚帆總憲

先當

西去草

二月十一日得衢州舟次人日書

一從庾嶺傳書後目斷長空雁字遙風雪江舟滯人日雲
煙海嶼逼花朝老懷底事傷離別片紙何曾慰寂寥應念

高堂勞望眼東風催送木蘭橈

遲伊墨卿不至

好踐尋春約思君十二時因憐攜手近翻訝欵門遲帶水
紆孤權風花戀舊枝三年兩相見曾否髻添絲

晦日喜墨卿重至粵中次韻贛州道中簡寄四首

悠悠歲時改欵欵素襟初竟踐尋春約前詩有好踐尋春約句無虛

趨駕書半生非與是此樂子知子信有天緣在前塵得所

於

自枉春朝札得君立春日書始決行期踈燈夜夜青欵扉聽雨歇把盞

喜雲停覺悟資遊覽文章鑄性靈清狂今漸減醉裏亦從

醒

倦翻因風起流萍逐浪衝人心爭嚇鼠吾道本猶龍不借

卷十三

從公邁何由會面重因吳公子訟事牽涉寓書相招果然髻邊白略變隔

年容前詩有曾否髻添絲句

當官竟誰主入幕豈無賓閱世卅年久於君一倍親病祛

浮慕少老悟故交真少住從余請鶯花不再春

上巳日聶京園中允伊墨卿太守枉集還讀齋即次

墨卿江行見桃花近作韻邀二公同賦

千門桃李花惱亂屬誰家一杯上巳酒尋常落吾口還讀

齋中百不有圖史在左吾在右輕陰浚沱覆女墻髻絲一

榻茶煙香落英續紛滿芳陌禁火三朝錫粥白等閒孤負

百五春尋春恰喜來佳賓中允寧辭酒百巡清狂太守醉

卧茵指揮玉塵岸角巾咳吐亂落蓮花新抽毫直欲無古

人細雨簷花苦留戀人生百年能幾面背俗文章拙更奇

傾人肺腑老猶見君不見中允手持玉尺辭木天燃犀牛
渚分媿妍歸來讀禮窮三千京國視學皖江未滿任以憂歸太守風流致
灑然壁間舊題墨瀋鮮珠江逸棹去復旋今宵會合良有
緣鞭韉脫索重縈纏更闌燭跋忘歸眠

次和墨卿上巳日飲還讀齋作

輒脚尊兼被袂歡良辰樂事遇應難王孫踏破裙腰綠蜀

帝啼殘鶴頂丹

庭前杜鵑盛開

白髮三千公道在春光百五酒杯

寬冶遊偏負明朝約處處飛花去莫攀

寒食出遊之約未果

題沙白君

鷗

坐蕉禪影二首

沙工鐵筆

摹勒倉斯有後身鐵門限斷世間塵綠天庵裏跣趺坐莫
認當年狂上人

非關覆鹿夢無聊虎筆還師鳳尾搖寶相金蓮現身法病

維摩着美人蕉

卷十三

三

秋水四章章八句 并引

嘉慶辛未秋墨卿攜秋水園圖來粵余既題五言

律一章殊未愜意癸酉春墨卿復攜第二圖來是

年令子方膺拔萃將出為世用而墨卿遂決終老

斯園之計復賦此篇以誌慨慕有田不歸當如此

水

秋水時至沄沄綠波所謂伊人樂此卷阿花葯環暎榆柳

紛羅不聞剝啄時聞嘯歌

秋水時至載澄載清所謂伊人泊然寡營豐湖澤長邗溝

月明遺縈息軌內重外輕

矯矯雙鶴珊珊其骨題襟館中清夢時越鶴本題襟館中物弄影

凌霞引吭喚月君子是依樊籠永脫

矯矯雙鶴聲聞於天其子和之春誦夏絃願子弟佳樂父
兄賢巾箱之業需人而傳以詩次韻答之

我昔岳陽樓下停秋槎山僧手淪君山茶無上妙品不世

有風韻獨占英皇家洎度仙霞滯九曲沙谿北苑人爭誇

閒雲潑甌嫩垂縷凍雪沸鼎旋作花雪凍作成花雲閒未垂縷蔡君謨試茶詩

也團成龍鳳貢

內府裹以蒟籠走天涯二者欲兼邨可得洞庭春色煙波
賒別來十載湖上夢湘娥鬢影愁雙鴉先生家住衡山麓
固應餐盡君山霞建溪湘水要分別賭取勝負一笑呀坡
公論茶錄苦硬亦如正氣嘗河車珍踰百餅敢我吝甘分

卷十三

四

數片或汝嘉緩火活火湯驗候一水兩水痕劃沙君謨士
人亦作此豈徒韻事芬流牙處之得地材乃盡君謨茶錄中語用

人行政蔑以加君有禳賜五千卷還

朝寶炬籠官紗頭綳拜

賜潤吻燥甘美不數安期瓜

送表姪顧執齋琦尉棗強四首

夙慧資強識清標耻乞憐外家諸弟姪未有似君賢已信

貧非病聊將祿代田莫嫌微未吏從古尉稱僊

失怙憐渠小成人仰母勞饑驅寧得已食報博織毫捧檄

色添喜割鮮刀慎操安輿迎翟蒨光暎老萊袍

相依三十載休戚見情真直作同懷看誰云異姓親亦知
有此別不道是今辰點滴珠江淚長流古棘津棗強本晉棘津地

岸獄關民命衝漳况要衝空餘亭避暑避暑亭在冀州西漢袁紹與劉松飲
此地以避暑見統志倘有句哦松骨傲官偏小才多世莫容區區甘

上計且復降心從

題墨卿西溪消夏圖三首

十年夢斷水雲鄉欲往從之阻且長無價清風滿懷袖忽
攜冰雪到炎方

無花塢種千竿竹有句龕同一箇僧肯為詩奴輕許可閒

雲野鶴兩無心卷中多與詩僧了學酬唱之作

莫認吾鄉消夏灣鏡中七十二煙鬟館娃宮殿鴟尾櫂閱
盡炎涼只等閒

族孫英燦歸省且將入都需次送別三首

吾宗富文翰繪事工絕少商巖及澹泉兩伯藝皆好各以

卷十一

五

所能鳴擅山水花鳥商巖伯工花鳥澹泉伯擅山水要皆力學餘遊戲時

一掃尺幅留人間至今以為寶嗣者竟無人汝獨恣幽討

汝貧幼失學亦無好畫稿悟從元化師法本匠心造有時

天機來生氣十指繞近者知問津動稱瑤華老近從靜山觀察學靜

山師瑤華老人虛實澹厚間靜山論畫必澹而厚虛而實神理辨微渺貽我雙

短冊春韶間秋皓倘令二老見歡喜當絕倒居然後起秀

不覺前徽杳凡百有心成此事特小小

人生非空桑疇不念所生世事有乖錯愛憎紛變更汝父

育他姓時未有汝身生不識氏族茫昧十八春可憐毛裏

愛視等越與秦父子竟歸來攜抱悲且驚汝父忽有父汝

祖忽有孫孫且復生子人人親其親天錫爾純嘏九十神

明清眼前四世澤堂上重嚴尊况汝克振拔莪冠而垂紳

豈徒幹乃父必可大吾門長陵見大姊平陽拜將軍咄彼
西河守何如潁谷羹從來德慧者大抵疾疾存

翳子叨 祖蔭節鉞東南馳羣從成來歸既歸斯受之量
材授以事擇木俾之栖恨之二頃田徧飽宗與支豈無噉
噉者鞭長莫為施汝始來閩嶠一見神為怡篤厚威儀觀
木訥寡言辭果然利攸往往必無不宜我去汝尚留久要
無參差及茲館潮陽主換賓不移錙銖積脩脯三年有餘
貲遂鼓彈冠興行逼捧檄期告別何局促使我魂魄悽九
旬白髮祖十齡黃口兒汝縱得微祿豈遂能汝隨一身兼
事育五斗不救饑新歸且慰情置膝同含飴此事樂復樂
合族似者誰我有八旬父日倚門閭窺

三月廿五日送墨卿還閩即題王九見大寫贈珠江

春餞圖後

卷十一

六

昔別傷秋歲在辛今年餞別又傷春不因風雨無離合同
是萍蓬孰主賓花謝花開幾日賞珠還珠去兩番新從茲
後會知何地寥落天涯一故人

送族姪

萬里

還光州秋試二首

羣川實同源衆條實同根一氣分四體乃將陌路論汝從
何方來迢遞南北轅誰知雲和里復有光州門同出黃巖
公譜牒幸尚存汝為尚書後至汝四代孫汝祖官太康父
婚汝南村流寓遂占籍一領青衿尊孤露負子影歲歎無
朝飧饑驅出門去負笈來相奔恂恂言極遜慥慥行亦敦
巢林一枝借飲河滿腹吞

今日忽不樂告別何匆匆日逢賓興歲歸試期秋風汝藝

亦粗就砥砩雜瓊珠倘處吳越地固難角雌雄遷地轉見
良如錐處囊中縱少全力搏或用偏師攻安知公武勇不
顯淮蔡功而汝憂方深苟得羞雷同力學常恨晚力田將
焉終不觀房杜喬坐致樂卻窮付汝一尺書往見學士公
謂崔雲客觀察未可較得失且謀禦寒冬

題墨卿帳額二首

冷淡生涯太古情元霜搗罷月三更懸知鐵石心腸在援
筆還師宋廣平

瑟瑟輕明罩篔簹低黑甜鄉裏醉如泥多生未了鴛鴦債偕
老西湖處士妻

次韻蔣礪堂制府巡閱潮陽示官吏四首

舊德新恩遍海涯金峯東峙鬱查牙令公一出人爭拜郭

卷十三

七

似重來髻未華觸網堪憐桃代李操刀忍使蔓延瓜從知
政簡移風速不取如神摘伏誇潮俗好械鬪多頂兇治獄者每株連無已公申明

條教務以德化

西園池館淨囂氛依舊斜陽細草薰五字摩崖留印雪七

年彈指感行雲道署西園公觀察時留五律四章鑄石有鴻印雪象象之語令嚴夜月

營開柳坐滿春風泮採芹腰笏不須煩驛吏鋒車所到寂

無聞

曾陪鷓鴣驚綴朝班幕府同開又百蠻豈有微長叅畫諾時

勞餘力榮衰屨青紅氣靜汪洋外赤白丸探肘腋間時海氣久

靖而近省山谷間終藉威稜消伏莽敢云茅蘄不為患

耳熱循聲報政成謂潮屬諸邑宰交乎上下矢廉明新詩脫口皆

經術舊吏從頭識姓名夾道香燈諸父老巡邊節鉞一書

生慈雲但得常相覆不獨南人頌太平

送畢友庵表弟旋吳秋試二首

久有南歸約今歸轉黯然身緣衣食悞情為室家牽門第
凋零日功名老大年背城堪借一倦翮看飛鶩

挂席韓江夜褰帷庾嶺春明珠逢月滿老樹着花新在朔
置妾
與俱歸話別風連雨情深夜向晨自憐獨留滯苦念白頭

親

胡墨莊編修承珙寄示近稟賦謝二首

忽成三載別時枉數行書新咏下高館好風生索居塵埃
足冰雪歲月老蟲魚聞君方治
毛詩爾雅嬾情今如此多君一起予

鎖院題襟夕珠江對酒心無花推老眼樹木待成陰自得
若無作相知豈在深珍茲涇上白不厭百回吟

卷十三

次韻顧南雅表弟學使自滇却寄祿豐示諸生作五

首

草木有生意布種先人力自天降時雨敢自私其德何地
無棟梁養成貢

王國豈以僻遠故委棄不甚惜幸逢匠石來盱衡操特識
寂寂金馬客啞啞靈鵲聲坐老條冰下誰識命世英一朝

脫穎出忽聽驚人鳴回思未第日甘守十年貞文運關天
心肯任江河傾

玉尺長幾許

王命敢不虔昆池有神駿深潛待往觀代天司橐籥衆埴
咸在甄何由迴既倒且為求其端文章與器識請君問所

先

栽栽烏龍山蒼秀日在眼邊塵靜一不飛萬口誇賢尹

謂孫

中休養裕平時神運亦不顯儲材付收羅大器成以晚天

槩本一氣衣鉢傳且遠

翳子風塵吏五年海東隅如何劉盧好久隔雲天居迢迢
軒車出矯矯儒生模音書喜再至疆里嗟分區賡唱託千
里臨風重躊躇

墨卿自韶州寄詩以予題春餞圖中寥落天涯一故人
人為起句再次韻寄之

寥落天涯一故人別時情比見時親西溪圖裏誰消夏秋
水圍中願結隣一雁去來如有信兩山離合渺無因年年
綠遍汀州草留得人間幾許春

墨卿顏所
居曰留春

六月二日同礪堂制府過光孝寺觀貫休畫初祖像

謁六祖臺虞仲翔祠成二十韻

卷十三

九

久厭熱惱場頗愜清淨賞招邀諧素心脫略謝塵鞅幽巷
通城闈訶林認題榜窈然層殿陰湛爾方池廣荷風生夏
涼林影送朝爽古佛聳螺髻殘縑掛蛛網云是西來人留
此履一兩六葉傳法衣瑣骨埋片壤樹古春無花葉稀秋
多響如何骨鯁臣千古同肸鬻究其得罪由猜忌生忠謹
任侔蕭曹專讒等屈賈枉幸也免菹醢終焉禦夔魍白頭
坐海隅雄作經師長至今嶺以南文教自公昉尸祝萬戶
思祠屋三間敞譬諸彼法中寶筏度無上慧業修三生優
曇現尋丈風幡義何在儒墨理或仿持問霜髭僧無言但
合掌

礪堂制府有詩復次其韻

共尋古剝傍城隅，暫避炎威得靜娛。東土有緣來佛祖，南風無地不唐虞。木魚響動隨朝粥，曇鉢花開艷曉芙。獨向荒祠拜遷客，幽禽啼樹愴笙竽。

次韻墨卿見寄

留春餘獨鶴，留春園中雙鶴化去其一送客只啼鴟。君去忽三月，予愁

渺五湖。詩懷終未老，別恨不能無。但使收帆穩，何須歎暮

途。來詩有收帆知不遠句

嘉慶癸酉七月述職北上留別粵中官民四首

愛日戀畿輔，瞻雲感河陽。一心抱兩念，中夜常徬徨。傾葵何獨切，早歲依

龍光

君門忽萬里，嶺嶠逾星霜。反哺竟何為，桑榆蔭高堂。藍輿

卷十三

遠莫致，僅禱第祿康。歲已巳奉旨入京祝嘏三年例

述職一再馳封章，腐儒乏經濟，勉志趁鵷行。抱此寸草私

猶欲披

天閭或許辭

闕便再得經，吳杭健否見。而審鞠脞壽，一觴行潔白。華養

終身樂，難量親年盡。

君賜已冬歸省後遵硃批汝能盡心王事汝父延壽無涯孝治彌光昌

顧慚

國恩重，曾乏涓埃償。含意未敢申，懣懣盤迴腸。昨日

丹詔下，去春請覲不許今年旨俞允跪捧喜欲狂。謹茲月季夏

行行治我裝。

治裝將行邁，人事多蹉跎。濕風鼓火夏，陡漲西北河。歲行西北

兩江盛漲有勘卹廣肇兩屬傳聞白鶴山廣西懷集縣境狂蛟舞

災民之役行期奏改七月洪波封陽當厥衝城郭騰回渦雨師又逞虐半月傾

滂沱下游十餘縣盪決千巢窩原田遺粒盡中澤哀鴻多

先徵兆沙面一火春風配先是正月廿二日沙面火延燒鬚髮無算王婦鑿丁

女乘除理則那召灾豈一端怛焉中心瘥忍便棄汝去如

此嗷嗷何走章告

天子疾苦陳縷覩發棠不待命借帑培高坡終沐

昊眷慈晴光轉陽和早收歎已矣猶及栽秋禾淹留徂商

令一葉飄庭柯

一葉昨夜下惻惻離愁生渺余碌碌者百事因人成自來

嶺南州所遇皆賢英官保天下才未手屠長鯨菊溪官保亞相

秉寅亮涵宏鉅細弁湘浦協揆尚書今羊杜今制府彌仁恕而

清明清無皎皎節明無赫赫名价人維藩重直指執法平

落落數君子砥礪惟廉貞况多從事賢落筆皆瓊瑩庶政

靡不舉先路導我行我但蝨其間拱手復何營以茲任坦

率一一肝膈傾相彼出谷鳥求友貴和聲幸隨鸞鳳後免

與鷹鷂爭所願常因依相將調玉笙有時忽飛去斂翮為

長鳴

飛去還飛來天意未可必顧謂諸父老母為我悒悒此邦

寶玉鄉厥土惟鹵斥島夷炫奇貨歲耗內地帛生寡食逾

衆外腴中更瘠憫彼蚩蚩氓遊惰恣淫逸釋耒便操戈剽

掠趁衣食蛟鯉幸潛踪豺狼尚多窟歲誅千百羣徒法難

為役撫茲六載間慙無善可述蹇蹇賢制府苦心運旋斡

保甲法最良近者粗能立積貯民大命稍稍補其缺尚賴

良有司奉行久且力王道無近功端本斯善則安知魚蠶
族不化絃歌邑我留亦何裨我去弗違惜
天恩許重來樂觀壤同擊

越秀粵華端溪三院諸生遠送花田仍用已已留別

詩韻以示兼簡邱滋奮謝澧圃劉樸石三院長四首

見說經明本行脩賓興更欲闢門求今歲拔貢鄉薦兩科並舉但令文

字能驅纏坐見閭閻解佩牛滄海不難觀獨壯離支未許

物稱尤從來臺閣皆膠序勉矣為山必自邱

省闈知貢歲更三庚午監臨省試也許雌黃信口談每惜十年窻

下苦肯因一晷案頭戩試卷以疵累乞改者令當堂自行更正以故違式者少新硯

喜借他山錯因予入監臨係制府代攝舊轍慚稱老馬諳同榜半皆三院秀皆庚午登榜者半皆三院肄業生珊瑚網盡不為貪

秋風乍動桂香傳無那征帆五兩便已親光芒射台斗何

當祖帳繞花田堂堂壁壘千軍掃乙乙珠璣九曲穿豈為

候潮遲更發論文與証再來緣

恭承前度祝

皇輦四載重歌湛露詞到及呼

嵩隨虎拜歸還衣綵學萊嬉遲子鷺序追趨日盼爾鵬程

奮發時經術淵源知有本早符國彥協昌期

二十二日峽山寺淙碧亭與諸君話別次王九見大

韻二首

似聞水樂奏離絃徒倚虛亭冷翠邊萬疊煙蘿閣晴壑一

條冰玉失炎天王孫歸去知何在帝子丹成不問年只有

詩情兼畫意見大寫海幢送別圖并題句斜暉鎮日與盤旋

歸航憑仗佛天慈穩渡輕帆白日移列座詞人更名將

尉張君仁送行童叟雜蠻夷吟咭喇國大班江山儘得扶輿

氣那舊偏鏡折柳思他日巖扉倘相待為予重訂紀遊詩

見大即亭上寫淙碧圖并題斷句以贈復次其韻

尺幅蒼茫不盡流圖中人與此亭幽何當放筆為直榦寫

到真源最上頭

重遊飛來寺用漁洋山人韻簡清遠令唐

源準

我遊飛來寺自歲癸丑始荏苒二十年煙霞夢魂裏何意
此重登孱顏兩脚底磴道蟠榕根淙流濺石齒喬木秋氣
先晴嵐夕陰似不信舒州來凌空殿閣起彫剝非人工造
物逞奇詭我欲坐盤石洞酌為洗髓歎息古人賢貪廉豈
在水千潭君鑿諸一榷我去矣歸舟色蒼然蓬背衆山紫

卷十三

十三

登觀音巖疊癸丑韻

英山勢多端夾岸絢青赤突兀屢趁人蔽虧日車匿一線
中忽開紺宮嵌絕壁佛緣憫塵踪甘載此重涉窟穿龍蛇
幽洞閉宇宙黑天光豁層巔俯見千里碧秀發靈芝繁潤
受甘露滴孤雲來無根飛鳥不到額巨靈掌或慳毋乃佛
功德一昨訪二禺聞根駭新歷及茲悟泡影何者是聲色
倏忽來去今黯焉日之夕

英石

不盡於圖中人與此真幽奇當效筆端直隸

連峯下瀆陽英州始發脈千山萬仞開玲瓏詭奇絕安得

驅萬牛徙置几案側至寶不自私散亂鱗爪擲累具體

微一一肖形出或為秦雲積或作蜀錦裂或如怒蹲獅或

如斗掄鶻或如古尊彝班斲苔繡澁或如直草木獨立無

枝葉九華壺中根萬古仇池穴豈勞精衛啣似倩巨靈擘
雲生紫閣紫霞起赤城赤喜瘦不喜肥取堅無取白縱饒
嫵媚姿不改貞剛質虎頭秀野孫石為顧大果庭所贈贈我一雙璧
一縱復一橫逸態自天設云此觀亦罕無心售山客海雲
紛破碎斐几聳齒萃靜對心神怡爽挹眉宇逼平生了無
取寓物免物役自來嶺南州六年養頑拙豈無端溪材潑
墨供點筆青花辨微茫可笑雙眼黑真贗一混淆幾何不
遭則而汝何所能有目皆共拭無用為其用似我骨碑兀
從此訂石交連城不以易何須學牛氏刻鑿分甲乙但當
具衣冠向汝日屈膝

度嶺仍疊戊辰年韻

丸泥終古翠微連盡日行人蟻磨旋萬里一身家國戀廿

年六度往來緣自庚戌至今往來六度摩崖客認前題句挂角僧參

不語禪寺名挂角此去路通霄漢迥班生真擬快登仙

蔣補遲 錢表姪別二十年遇於南安旅次賦贈十二

韻

見子孩提日乖離二十年姓名初不記面貌更茫然坐定
情方浹談深景再延高曾規矩在姻婭薦蘿牽舅氏椿庭
聚諸昆雁序聯死生甘契濶門第困迤邐遭衣食知何地東
西遂各天全家同梗泛吾弟獨身肩記泊滕王閣曾邀張
翰船申韓本經術弓冶得薪傳已巳秋泊舟滕王閣尊甫筠岩表弟適在柏署佐理
刑名來舟相訪今日梅花嶺爭誇從事賢相期重民命慎爾筆如
庾時補遲亦佐刑大庾縣幕故以相勗

次大庾

天心限南北客思變朝昏勢在一夫守功堪萬古論

謂曲江相

發南安

入秋何亢陽一月無滴雨老農泣枯苗行客口生土弭權
迫嚴程解維下橫浦火雲屯高崖沙岸斷枉渚數里間一
灘清淺不容武誰家橫築壩規畫肆奪取車戽虹飲川輪
激白投杵所餘涓滴流碎石又齟齬作梗勢方張聞聲氣
先沮挽牽困纜索撐曳窮篙艣攘臂喊乃齊跳身勇能賈
掉泥龜曳尾趨草蠱動股死力掙頭顱猛氣積腰膂轉關
撼坤軸出地奮雷鼓濺沫跳珠璣流藻濯綺組是時日方
中火織張卓午偃仄短篷間如魚卧鶯釜豈知波面人水
濡更火煮裸體焉我浼裂膚竟誰撫而我方卓然兀坐不
猶愈傾漿碧沉盃展筵白揮羽咫尺判菟枯性命懸莽鹵
少焉泊前灣新月一鉤吐爭浴喧淪漪晚飯命儔侶方欣
生事優未識向來苦夜半涼風來雨勢蓄猶怒明當倒銀
漢力致多稔黍豈獨利行舟江潮漲幾許村醪行可沽一
斗吾勞汝

八月八日三江口喜雨

昨咏銀漢句飢人夢得食

前詩有明當
倒銀漢句

今日日更紅枯腸

何由活卧釜氣如絲觸籠手欲炙黑風西北來吹送雲墨
色靈光掣金蛇雷鼓破列缺果見銀河翻天瓢散空擲錢
塘潮突至洶湧千山沒昆陽戰方酣砰磕萬瓦裂短篷忽
無憑如麻脚投隙更無地可避顛倒屢移席自午將及申
其勢不肯息將哀轉滂沛既止尚點滴此雨豈徒然倉箱

降萬億前宵讀

詔書祈年意孔亟感孚無遐適豐熟四海一新涼逗船寫
江月半規出旅人甘寢罷黜向天公乞霖霖更明朝老饕
飯飽喫

贈胡怡亭

鴻文

少府

時權上猶縣迎
侯南康相見

勞君凝望眼百里刺舟迎貧益子孫累老深兄弟情代庖
成慣手薦牘只虛名

君以秋滿保薦屢攝
縣篆而未轉一階

不厭沉埋久難

忘世德清

饒有含飴弄堪誇相宅奇

新舉穉孫
我之自出

詩書百年澤門祚六

親期蔗境餘佳處天香欲動時

次君赴
省試

話長忘日夕一任

短帆移

娃娃行

舟行灘中聽舟子耶許聲每呼
一箇娃娃音甚哀楚作此勝之

卷三

十六

一箇娃娃一箇娃娃娃娃生長灘頭家居雜鼃毚糧魚蝦

前灘詰屈黃公怒後灘突兀天柱遶五里一折十里一叉

刀劍森列駭膽慄魄豺狼當道吮血磨牙連檣大舸不得

上紆迴宛轉穿槎枒紙錢窳窳燒飛霞椎牛打鼓來神鴉

靛雷轟轟戰地軸失勢一落千丈加二百四十里路寧為

賒三朝三暮灘巔涯此時娃娃未朝飯彳亍跳躍流汗紛

如麻同聲助一喊一步一呼啞娃娃何不為陸居康莊大

道長鞭擊船頭一飯豈細事衣食所託誰疵瑕上灘下灘

傾險非一事入坎出坎性命鴻毛誇天陰日瘦氣悽慘如

泣如訴如怨嗟一聲媽一聲爹一箇娃娃兒耶

次恭和

古渡晴沙帶綠蘋柔風一棹倚江濱山平漸失虔州險水

曲遙通吉字津白酒黃鷄也鄉味琴絃鶴羽湯前塵臨流
獨洒西州淚二十年前阿買身歲庚戌過此先譜華伯適
宰是邑歡侍彌旬忽忽二
十餘
年矣

放溜

放溜中流自在行四山如送復如迎人心閒處耳根靜半
日不聞篙槳聲

刺眼來身葉葉蓬水師絕叫趁長風逆流遇順順流逆道
是封姨本至公

無聲詩讀倪高士着色山看趙大年肯使雲烟輕過眼一
回憑眺一留連

吉水道中得家書却寄二首

知君夢歸日是我卜行時愁緒經年共新涼瘦骨知如何

嶺以北翻覺雁來遲家事從誰說艱難好自持

一樣晨昏戀兩心喜懼并弟歸先我面時梧亭弟擬由書
南昌分道先歸

到繫君情陳乞紆時勢優容荷

聖明區區懷寸草終得被

恩榮

中秋日阻風富口村偶述

逆風阻征人令節逢道路久困篷底眠偶展田間步誰家
溪繞門臨水閣隱霧扣扉衣冠出延客茶茗具詩書釀華
氣談吐非俗務蔬果且見遺紆縞亦迴互古意苟自今新
知豈必故羈栖惜人情邂逅有殊遇雜花開野畦斜日下
官渡飛廉憑其威姪娥嬾回顧掇舵開未開瑜然夜猶怒

是日偕俞咫園明經沈南洲學博散步入村有
負生郭高衢及其塾師款客甚殷并遺蔬果

次韻咫園中秋日富口阻風二首

文江江尾峽江頭

富口在吉水峽江兩縣之中

揀取鷗沙一繫舟却為

風多閒我輩縱無月看好中秋年華如夢同攀桂

咫園詩中猶及

已巳八月在峽江守風折桂故事

香霧何人獨倚樓爭似啣

矮屋底四

旬又五日勾留

予五度秋試在號舍凡四十五日

步屨尋幽何處村不通姓字湯敲門茶瓜頃刻餉賓客耕

讀百年長子孫宦久始知田舍好官高那及塾師尊憑誰

唱遍公無渡拚取曹騰醉眼昏

前題次沈南洲繪錫學博韻三首

浮生逸棹縱虛舟得少留時合少留說與閒鷗渾不解去

何所事住何由

朱陳兩姓自成村

村惟胡二姓

榆柳成陰濕翠屯聞道河東三

鳳鳥也隨尺鯉到龍門

郭氏三郎君俱赴秋試

暮江暝色客衣牽怪底姮娥掩鏡圓猶有故人相問訊瓜

偏如棗藕如船

南昌劉太守若璋惠瓜甚小藕極大

八月二十日阻風市汊隣舟有士子自省試歸者泥

錄闡中所作詩讀之喜贈二首

占風牛斗野間訊孝廉船陟覺光芒逼無須姓氏傳蛟龍

移窟宅鷓鴣揆雲煙珍重石尤意天留文字緣

兵甲貯甬中帆檣列戟雄已聞鑿赤壁何獨欠東風詩律

能超詣丈心想化工仙槎真可借欲溯廣寒宮

題為不知誰是謫仙

才

南昌旅次贈言臬雲太守朝標二首

十五年來別中間事若何一麾轉淪落萬里獨奔波

臬雲守

夔州保寧改授
南安以夏未起
豪興減杯酌哀情廢蓼莪空傳入蜀後詩
比少陵多開君有和杜入蜀詩百餘首未及見

角藝風簷夕分香畫省時兒童交更幾衰白見難期章貢無端合羅浮到底疑尚看他日政學道有餘師

東林寺

不道東林寺推顏屋數椽塵封三笑影壁間畫遠公等三人過虎溪笑語故

車樹鎖六朝烟廢社蓮臺隱荒溪虎窟遷諸天原露電即

此悟真禪

九江郡署庾樓為方茶山太守賦

方公一麾老江州蕭騷霜鬢凌高秋
巖然忽報故人至且攜同醉庾公樓
庾公者誰太傅弟樓為晉太傅亮弟翼鎮江州時建後人指為庾亮南樓
幕府東南後先啟千年誤國西風塵萬里岷江水

卷十三

九

難洗岷江萬里去不息滔滔天地豈終極九龍到此忽合併簸蕩孤城黯無色太守政與江同清
胷次歷落層雲生半壁橫當信有恃十年不調寧不平
登樓日醉枕江卧大地煙霞落咳唾湛葦碌碌何足言
高呼五老來入座

題煙水亭仙令祠

亭在九江郡甘棠湖之中藏典載呂祖本唐宗室登第後授德化令

遭國難逃廬山修道更姓呂郡志舊有仙令祠以祀祖師歲久傾廢中丞金公光懌太守方公體即亭祀祠其上擴而新之

孤亭立煙水仙令此棲遲座納匡廬秀天開蓬島姿市朝有真隱顯晦亦因時但種甘棠去能無後日思

次楓香驛感賦

戊辰七月亡弟所瞻自潛山追送至此聯騎兩日而別

到此魂真斷能禁涕泣然自聯兩日騎竟赴元重泉黃土荒原外丹楓古道邊倘來今夜夢擬卜再生緣

始落一齒

九月初三日
桐城行館作

人非金石焉不朽萬物乘除理固有我生二十六齒牙炒
豆瓜子如刀剖近喜柔和怕堅硬齟齬往往與影競零皮
碎骨巧嵌空剔扶爬羅不使賸左車一株先動搖欲落不
落勢難定一齒未安眾齒危呼吸牽制神為疲清晨方漱
不自知公然棄我忽如遺覆水已去不反卮辭條之葉羞
故枝從茲縱少免詰屈坐愁茅拔連茹移嗟予七七眼始
花今舌尚存缺一牙前途漸窄老將至送君消息知非賒
所喜吾翁八十一正壽考我尚為兒敢稱老倘許兒齡減作
翁齡續軟炊香飯與翁同飽願良足

陶城驛館聞鐘

舒城縣境

路出陶城北門隣蕭寺東五更鐘一杵九月髻雙蓬微疾

敬孤枕無眠問小童朝天心事切滿耳玉珂風

添衣

常時任冷暖為客最關心已報重陽近况經多病侵添衣
從僕請醒酒伴蟲吟非敢憐哀謝高堂念爾深

包公魚

廬州鯽魚產包孝肅祠內
池者佳土人謂之包公魚

飛霜切玉壓盤蔬孝肅池中金鯽魚千載清風留骨鯁陋

他刀七鱸專諸

吳人以刀魚為專諸骨

臨淮九日

長淮秋色逐人來王氣東南黯不開陌路黃花羞自好風
塵白髮暗相催啼鳥草沒虞姬墓化蝶烟消莊叟臺賸有
濠梁幽興在驛樓高處共啣盃

咫園見和疊韻答之

淮楚清秋攬轡來平蕪莽蕩戰場開八公草木雄風動四
面歌呼壯士催此日觀魚猶曲檻當年戲馬失高臺尚餘
參佐風流甚細把茱萸嚼菊盃

借前韻贈蘇牧堂姊婿

數番離合卅年來握手郵亭笑眼開八口無歸生是寄一

官有替老還催

時甥惠人授縣丞需次晚江老夫歸以無田可歸隨至官所仍就幕贍家

邠作菟裘窟捧檄聊營避債臺且喜玉關生入好

先以事成伊犁

遇歸

蘇

拚除萬事付餘盃

花庄

宿州境

花庄不見花莽莽走塵沙蒼麥飛秋蝶霜楓噪晚鴉村連
歇岸水門卧隻輪車程短早休好吾生着處家

夜發疊前韻

卷十三

三

不辨路高下湯湯石與沙可憐四更月驚起一林鴉間道
細明火盤渦深沒車荒雞號遠近卅里見人家

覆車行

滕縣道中為蔣吉人表姪作

兩羸駝車一士將平明出店鈴銀鑄主貧三月減芻豆客
倦千里疲風霜鞭箠不施自歇側皮骨僅有無精光前者
歷塊誤一蹶後者傾跌隨披猖偏汝此時不受約死力百
倍平時強亂氣交債莫敢近籠絡未脫走且僵翻身負車
仰身卧車底向天天茫茫可憐車中高卧者猛然驚覺寧
周防傾囊倒篋何處所踏地踟天迷向方從來靜可制羣
動堅壁不戰全身藏羣策羣力終反正斯須出險神洋洋
不然聳身不得地不死蹄齧死鞭繮卜正遺到舊井里險
戲何乃逢平康注坡驀澗路多少微命幾不供豺狼賦詩

釀酒聊慰勞醅醕一覺眠繩床禍福倚伏有定分塞翁得
失毋輕量

宛州道中紀所聞

究豫中原地淮黃沃野阜承平今日久擬刃幾時操豈意
生成外無端毒螫遭駢頭蒙白布側足起黃蒿摘伏逢神
宰生擒禁邑牢

金鄉令某聞有奸徒白布蒙頭聚眾將謀不軌弋獲數十人繫諸獄蓄謀懷

報復嘯黨敢呼號蹂躪經單父虔劉洎定陶開長同被陷

滑濬亦從騷

東省之單縣定陶直省之開州長垣豫省之滑濬二縣俱先後被陷

最慘曹南

令傾家就短刀稍嘉濟寧將縛賊引長縲

曹縣令某全家被害濟寧參將

某禦賊于金鄉城南
三十里俘獲甚夥
過客心生戒清秋首重搔頻聞馳羽

檄所在浚城濠此輩皆蒼赤何曾異土毛三年荒穰攘萬

口訴嗷嗷求緩須臾死因成亡命豪况傳瓠子決幾費帑

卷十一

三

金高恐斷清源溜那將濁浪淘

時河決睢南堤岸一百八十餘丈未報合龍胡

然心腹疾又益

肝宵勞列郡嚴唇齒連邨擊鼓磬守堅姑待命戰慎莫輕

挑兵者原凶器民生屢股膏速宜除蔓草忍更犯秋毫諸

將持龍節元戎握約韜

朝命額駙拉旺多爾濟都統格布舍高杞等督兵分路進剿總督

濕深惠總統
三省軍務
大軍期厚集一舉掃紛囂堪歎飛蛾撲終歸

烈火熬

天威臨咫尺麼欲焉逃

在平贈蔣錫堯農

璣

五戴重相見汶陽是渭陽空孤九日酒

已已握手此地適逢重九今後十日

重相
把盃
祗益數莖莖霜時雨長桃李

甥屢主講席門牆頗成

秋田荒稻梁

今年齊
也
公車誰料理羞澁看吾囊

堯農見和疊韻酬別

聯轡方朝露分襟又夕陽戒心新戰伐馬六部瘦骨老風
霜挈挈遑安席甥將稜庸庸自饜梁才鋒知就斂珍重處

錐囊

補祝查梅舫廷尉八十

屈指論交地於今二十年重來會

北闕昔別渺南天

聖代垂衣治華宗奮翅聯詞科榮給札柱史富遺編觀察
中朝傑清芬不世賢

鳳城依尺五鵬路遠盈千公府毛生檄亭衢祖述鞭

溫綸頌日下開幕向江邊明月樊川夢梅花水部綠牙旗

京口戍心印惠山泉轉漕剛移節提刑快比肩青雲宏正

卷十三

三

簿綠綺子期絃共聽瀟湘雨分題嶽麓顛驪歌愁柳折鶯
轉喜喬遷宦轍關河阻藩屏筦鑰專洎君宣室召正我廣
州旋小倚慈谿棹還馳嶺海羈巖疆叨奉

使棘署艷登仙亥字聞添算庚郵數枉箋平反邀

眷顧矍鑠報餐眠秋請承

優詔春明復欸延故人猶健在握手各欣然

恩禮明良合身名進退全耆英尊碩望令子况高騫夙契
芝蘭譜來過櫻筍筵嘏辭惠補製補到白華篇

